

四庫全書

子部

欽定四庫全書

子部

薛氏醫案卷二十一

詳校官太醫院醫士臣舒岱

編修臣倉聖脈履勛

總校官原任中允臣王燕緒

校對官中書臣李斯咏

謄錄監生臣蕭準

欽定四庫全書

薛氏醫案卷二十一

明薛己訂

明醫雜著

泄瀉

泄本屬濕然多因飲食不節致傷脾胃而作須看時令
分寒熱新久而施治治法補脾消食利小便亦有升提
下陷之氣用風藥以勝濕亦有久泄腸胃虛滑不禁者

宜收澁之

主方

陳皮

錢一

甘草

分五

白朮

錢二

白茯苓

白芍藥

炒各
一錢

五分已上三味
乃泄瀉必用者

若傷食瀉黃或食積加神麩麥芽山查

錢各一

黃連

炒七
分

若腹中穿狹再加厚朴枳實以消停滯

愚按前症若飲食已消而泄瀉未止此脾胃之氣傷

也宜用五味異功散若泄瀉而腹中重墜此脾胃之

氣下陷也宜用補中益氣湯若服尅滯之劑而腹中
穿狹此脾氣虛痞也宜用六君子湯若脇脹少食善
怒瀉青此脾虛肝所乘也宜六君子加柴胡升麻木
香若少食體倦善噫泄黃此脾虛色陷也宜用六君
子加升麻柴胡大凡諸症若脾脈弦長者肝木乘脾
土也當補脾平肝若脾脈沈弦者寒水侮脾土也
當溫中補腎夫黃連枳實雖消停滯開痞悶若人脾
胃充實暴患實痞宜暫用之若人屢患屢服或脾胃

虛痞者而用之則脾胃反傷而諸症蜂起矣故東垣先生云脾胃實者用黃連枳實瀉之虛者用白朮陳皮補之須分病之虛實人之南北而治之後做此

若小便赤澁短少加猪苓澤瀉各一錢以分利之夏月加

茵陳七分山梔仁四分

愚按前症若津液偏滲於大腸大便瀉而小便少者宜用此藥分利若陰陽已分而小便短少者此脾肺氣虛而不能生水也宜用補中益氣湯加麥門五味陰火

上炎而小便赤少者此肺氣受傷而不能生水也用
六味地黃丸加麥門五味腎經陰虛陽無所生而小
便短少者用滋腎丸腎氣丸腎經陽虛陰無所化而
小便短少者用益氣湯六味丸若誤用滲泄分利復
傷陽氣陰無所生而小便利或目睛凸出腹脹如
鼓或腿膝腫硬或皮膚斷裂者先用滋腎丸益氣湯
每見元氣虛而復用澤瀉猪苓之類因損真陰以致
前症益甚者急投金匱加減腎氣丸多有復生者若

反復牽牛大黃峻劑而通之是速其危也

若口渴引飲加乾薑

一錢五分

人參麥門冬

各一錢

升麻

四分烏

梅肉

五筒

愚按前症若胃氣傷而內亡津液者用七味白朮散
胃氣弱而津液少者用補中益氣湯氣血俱虛而津
液少者用十全大補湯腎虛津液短少者用六味地
黃丸腎水不足而虛火上炎者用加減八味丸若腎
水不足之人患泄瀉或服分利之濟過多而患口渴

者若不用前藥以固其本源則肺腎復傷多變小便不利肚腹水腫等危症矣○憲副屠九峯先瀉而口渴尺脈數而無力略用解酒毒利小便之劑不應余曰此腎陰虧損虛火熾盛宜急壯水之主不然必發疽而不能收斂也不信別服降火化痰之劑果患疽而歿

若夏秋之間濕熱大行暴注水瀉加黃連蒼朮澤瀉

各一

錢黃疸小便赤加茵陳

一錢山梔木通

各五分

愚按東垣云若值秋燥行令濕熱少退體重節痛口
舌乾燥飲食無味二便不調不欲飲食或食不化兼
灑淅惡寒悽慘面惡此肺之脾胃虛而陽氣不伸也
用升陽益胃湯治之前症若濕熱內作脾胃不能通
調而致者宜用此藥分利之濕熱已去脾胃虛弱而
致者宜用六君子當歸調補之濕熱已去脾氣下陷
而致者宜用補中益氣湯升舉之其黃疸若小便不
利四肢沈重渴不欲飲此濕勝於熱用大茵陳湯大

便自利茵陳梔子黃連湯若往來寒熱身黃者宜用
小柴胡加梔子若因勞傷形體飲食失節而身黃者
用小半夏湯蓋黃疸為內傷不足之症宜調補脾胃
元氣為主若妄用驅逐復傷元氣多致不起

若久瀉脾胃虛弱飲食難化加黃芪

灸

人參

各二錢

神麩

麥芽

各一錢二分

木香

煨

乾薑

灸各五分

愚按前症或作嘔或飲食少思屬脾胃虛弱用四君
子加半夏木香或兼作嘔或腹作痛屬脾胃虛寒用

六君子加炮薑木香若麥芽善損腎神麩善化胎消
腎不宜輕用大抵此症多由泛用消食利水之劑損
其真陰元氣不能自主持遂成久泄若非補中益氣
湯四神丸滋其本源後必胸痞腹脹小便淋瀝多致
不起

若久泄腸胃虛滑不禁加肉豆蔻訶子皮赤石脂

各一錢

木香

煨

乾薑

炙各五分

愚按東垣先生云中焦氣弱脾胃受寒冷大便滑瀉

腹中雷鳴或因誤下未傳寒中復遇時寒四肢厥逆
心胃絞痛冷汗不止此腎之脾胃虛也用沈香溫胃
丸治之竊謂前症若脾胃虛寒下陷者用補中益氣
湯加木香肉豆蔻補骨脂若脾氣虛寒不禁者用六
君子湯加炮薑肉桂若命門火衰而脾土虛寒者用
八味丸若脾胃氣血俱虛者用十全大補湯送四神
丸若大便滑利小便閉澀或肢體漸腫喘嗽唾痰為
脾腎氣血俱虛宜用十全大補湯送四神丸若大便

滑利小便閉澀或肢體漸腫喘嗽唾痰為脾腎虧損
宜用金匱加減腎氣丸

若飲酒便泄此酒積熱瀉也加黃連

炒

茵陳乾薑

各一錢

木香

五分

愚按前症若酒濕未散脾氣未虛宜用此藥分利濕
熱若濕熱已去中氣被傷宜用六君子調補中氣若
誤服剋伐分利之劑胸膈漸滿小便短少或腿足與
腹漸腫者急用加減金匱腎氣丸調補脾胃多有生

者夫酒性大熱乃無形之物無形元氣受傷當用葛
花解醒湯分消其濕往往反服大熱酒癥丸重瀉有
形陰血使陽毒大旺元氣消亡折人長命金匱要畧
云酒疸下之久而為黑疸每見善飲服酒癥丸者多

患疸症不悟其因反服分利化痰以致變症而死者

多矣

詳見奇效方

○秀水卜封君善飲腹痛便泄服分利

化痰等劑不應其脈滑數皮膚錯甲余謂此酒毒致
腸癰而潰敗也辭不治不信仍服前劑果便膿而歿

○光祿柴黼菴善飲泄瀉腹脹吐痰作嘔口乾余謂
脾胃氣虛先用六君子加神麩痰嘔已止再用補中
益氣加茯苓半夏瀉脹亦愈○舊僚錢可久素善飲
面赤痰盛大便不實余以為腸胃濕痰壅滯用二陳
苓連山梔枳實甘葛澤瀉升麻一劑吐痰甚多大便
始實此後日以黃連三錢炮湯飲之而安

若寒月溏泄清冷腹痛傷生冷飲食加神麩麥芽炒乾

薑

炙各一錢

縮砂益智木香

各七分

愚按前症若脾腎虛寒宜用四神丸若脾腎虛脫用六君薑桂如不應急補命門火以生脾土○一儒者小腹急痛溇泄清冷大便欲去不去余謂此命門火衰而脾土虛寒也用八味丸月餘而愈向後飲食失宜前症仍作小腹重墜此脾氣下陷也用補中益氣湯而痊

痢疾

痢是濕熱及食積治者別赤白青黃黑五色以屬五臟

白者濕熱傷氣分赤者濕熱傷血分赤白相雜氣血俱傷黃者食積治法瀉腸胃之濕熱開鬱結之氣消化積滯通因通用其初只是下下後未愈隨症調之痢稍久者不可下胃虛故也痢多屬熱然亦有虛與寒者虛者宜補寒者宜溫年老及虛弱人不宜下

主方

甘草

炙三分

檳榔

一錢

木香

枳殼

炒五分

黃芩

炒

黃連

炒各五分

白芍藥

炒二錢已上三分

藥痢疾必用者

右薑水煎服

若腹痛加當歸

一錢五分

縮砂

一錢

再加木香芍藥

各五分

愚按前症若因濕熱鬱結後重不利宜用此方若飲食停滯用二陳湯加山查送香連九仲景先生云脈沈而有力者屬裏實也宜下之沈而無力者屬裏虛也宜補之元氣虛滑者宜溫之澁之脈滑而數者有宿食也當下之脈浮大此為虛而強下之故也脈浮革者因而腸鳴當溫之下痢腹堅者當下之下痢譫

語有燥屎當下之下痢三部脈皆平按之心下堅急
下之下痢脈大浮弦當自愈下痢腹滿痛為實當下
之治者審焉

若後重加滑石

炒五分

再加枳殼檳榔芍藥條芩各五分

愚按痢而便膿血者乃氣行而血止也行血則便膿
自愈調氣則後重自除若大腸積滯壅實而後重法
當疏導若大腸氣虛下陷而後重法當升補○司馬
王荆山患痢後重服枳殼檳榔之類後重益甚食少

腹痛余以為脾胃傷而虛寒也用六君木香炮薑而愈○太常邊華泉嘔吐不食服痛後重服大黃之藥腹痛益甚自汗發熱昏憤脈大余以為胃氣復傷陽氣虛寒脫陷也以參朮各一兩炙草炮薑各三錢升麻一錢一劑而甦又用補中益氣加炮薑二劑而愈若白痢加白朮白茯苓滑石炒陳皮各一錢初欲下之再加大黃五錢兼食積加山查枳實各一錢

愚按前症若腹痛後重怕手按腹或脈洪實為積滯

閉結宜用此方疏通之若腹痛後重喜手按腹或脈微細為陽氣虛寒宜用六君乾薑溫補之○少宗伯顧東江傳食患痢腹痛下墜或用疏導之劑兩足腫脹食少體倦煩熱作渴脈洪數按之微細余以六君子加薑桂各二錢吳茱五味各一錢煎熟冷服即睡覺而諸症頓退再劑而安此內真寒而外假熱治以熱劑而冷飲東垣先生治假寒熱之症投以假寒熱之劑○廷評曲汝為食後接內患腹痛去後似痢非痢次日便膿血煩

熱作渴神思昏倦用四神丸二服頓減又用八味丸料加吳茱五味骨脂肉菘二劑全愈

若紅痢加川芎當歸桃仁

各一錢五分

初欲下之再加大黃

五錢

愚按前症若病日久或誤服疏通之藥而不能愈者當調補脾胃大凡血症久而不愈多因陽氣虛而不能生血或因陽氣虛而不能攝血故丹溪先生治此症久而不愈用四君湯以收其功○判官汪天錫患痢腹痛後重渴欲飲冷飲食不進用芍藥湯內大黃

一兩四劑稍應仍用前藥但大黃減半數劑而愈○
通府薛允頤下血服犀角地黄湯其血愈多發熱少
食裏急後重余以為清氣下陷用補中益氣湯加炮
薑一劑而瘳

若紅白相雜加川芎當歸桃仁

各一錢五分

以理血滑石陳

皮蒼朮

各一錢五分

以理氣有食積者加山查枳實以消導

愚按前症若氣滯食積濕熱所致宜用此方治之若
脾虛飲食停滯宜用六君子湯送香連丸調補之經

云脾主血肺主氣前症乃氣血俱受病也若因脾肺
血傷所致宜用四物湯加白朮茯苓煎送香連丸若
因脾肺氣傷所致宜用四君湯加當歸川芎煎送香
連丸

若白痢久胃弱氣虛或下後未愈去檳榔枳殼減苓連

芍藥各七
分加白朮一錢
五分黃芪陳皮茯苓各一
錢縮砂乾薑

各
五分

愚按前症若數至圍而不能便或少有白膿者乃土

不能生金肺與大腸氣傷而下墜也當用升陽益胃湯舉其陽氣則陰自降而二便自愈矣飲食不入發熱作渴其勢危甚用十全大補湯如不應送二神丸

若紅痢久胃弱血虛或下後未愈減黃芩黃連

各五分加

當歸川芎熟地阿膠陳皮

各一錢

白朮

一錢五分

愚按前症若脾經血熱下注而不愈者用四物湯加

白朮茯苓若脾經氣虛不能統血而不愈者用四君

子加川芎當歸若中氣下陷不能攝血而不愈者用

補中益氣湯

若赤黑相雜此濕勝也及小便赤澁短少加木通澤瀉

茯苓

各一錢

山梔仁

炒五分

以分利之

愚按初患濕盛而小便赤澁者宜用前藥若病久而陽氣下陷或老弱者宜用升陽除濕防風湯若脾土虧損寒水來侮先用六君子湯加薑桂以溫而補之後用補中益氣湯加茯苓半夏以升而補之

若血痢加當歸川芎生地黃桃仁槐花

炒各一錢

久不愈減

芩連

各七分

去檳榔枳殼再加阿膠珠側柏葉白朮

各一錢五

分 乾薑

炒

陳皮

各一錢

愚按前症亦有因脾氣虛弱者有因脾氣下陷者有

因肝氣虛弱者有因肝血虛熱者○祠部李宜散患

血痢胸腹膨脹大便欲去不去肢體殊倦余以為脾

氣虛弱不能攝血當源用補中益氣湯加茯苓半夏

治之漸愈後因怒前症復作左關脈弦浮按之微弱

此肝氣虛不能藏血用六味丸治之而愈

若痢已久而後重不去此大腸墜下去檳榔枳殼用條
芩加升麻一錢以升提之

愚按前症亦有因大腸氣滯者有因大腸氣陷者有
因大腸血虛者有因脾腎虛寒者若大腸氣滯墜下
宜用四君子送香連丸若大腸氣虛陷下宜用四君
子加柴胡升麻送香連丸若大腸血虛後重宜用四
物湯加參朮送香連丸東垣先生云裏急者腹中不
寬快也亦有虛坐而大便不行者皆血虛也血虛則

裏急後重

若嘔吐食不得下加軟石膏

一錢五分

陳皮

一錢

山梔仁

炒五分

生薑

六分

緩呷之以瀉胃口之熱

愚按前症若脾胃素有實熱或過食厚味辛辣而暴患之宜用此方若胃氣虛膈氣逆而作嘔吐者用六君子加生薑若胃氣虛寒亦用前藥加炮薑木香

有一樣風血虛而痢者用四物湯加人參白朮陳皮黃

芩黃連

愚按前症若脾氣虛而血弱宜用四君子湯若胃氣
虛而血弱宜用補中益氣湯若久病氣血俱虛宜用
八珍湯大凡此症久而不愈或變症百出但守前法
久之自愈

有一樣寒痢用黃連木香芍藥

酒炒

當歸乾薑

炒

縮砂厚

朴肉桂

愚按東垣先生云前症若脈沈細而身不動作睛不
了了飲食不下鼻準氣息者用薑附湯身重四肢不

舉者用朮附湯暴下無聲身冷自汗小便自利大便
不禁氣難布息脈微嘔吐者用漿水散○先太安人
年八十仲夏患痢腹痛作嘔不食渴飲湯水按腹痛
稍止脈鼓指而有力余謂真氣虛而邪氣實也用人
參五錢白朮茯苓各三錢陳皮升麻附子炙甘草各
一錢服之睡覺索食脈症頓退再劑而安○橫金陳
子復面帶赤色吐痰口乾或時作瀉或用二陳黃連
枳實之類不應余脈之左關弦急右關弦大此乃腎

水挾肝木之勢而尅勝脾土也不信後交夏果患痢
而七

若得痢而誤服溫熱止澁之藥則雖稍久亦宜用前法
以下之下後方調之○若得痢便用前症法下之而未
應又用前調理法治之久而不愈此屬虛寒而滑脫可
於前補虛寒溫二條用擇更加龍骨石脂鶯粟殼烏梅
肉收澁之藥

愚按前症若脾氣虛寒下陷宜用補中益氣湯加粟

穀薑桂如不應急用附子若氣血虛弱宜用十全大補湯加附子粟殼若命門火衰用八味丸以補土母若腹痛作渴飲湯手按腹痛稍止者俱溫補脾胃

瘧疾

瘧是風暑之邪有一日一發有二日一發有三日一發有間一日連二日發有日與夜各發有有汗有無汗有上半日發有下半日發有發於夜者治法邪從外入宜發散之然以扶持胃氣為本又須分別陽分陰分而用

藥邪瘡及新發者可散可截虛瘡及久者宜補氣血若過服截藥致傷脾胃則必延綿不愈矣

主方

乾葛

一錢二分

陳皮

七分

甘草

炙五分

柴胡

白朮

蒼朮

泔浸一錢已上三味瘡疾必用之者

愚按前症皆因先傷於暑次感於風客於榮衛之間腠理不密復遇風寒閉而不出舍於腸胃之外與榮衛並行晝行於陽夜行於陰並則病作離則病止併於

陽則熱併於陰則寒淺則日作深則間日在氣則早
在血則晏按本經曰癰脈自弦弦數者多熱弦遲者
多寒弦短者傷食弦滑者多痰弦而緊者宜下浮大
者宜吐弦遲者宜溫此治癰之大法其病熱多寒少
心煩少睡者屬心名曰溫癰用柴苓湯但寒少熱腰
疼足冷者屬腎名曰寒癰用桂附二陳湯先寒而後
大熱咳嗽者屬肺名曰痺癰用參蘇飲熱長寒短筋
脈揪縮者屬肝名曰風癰用小柴胡加烏藥香附寒

熱相停嘔吐痰沫者屬脾名曰食瘧用清脾飲瘧愈
之後陰陽兩虛夢遺咳嗽不善保養遂成勞瘵若能
清心養體節食避風如此調治無不愈矣

若一日一發及午時發者邪在陽分加枯苓茯苓半夏

錢各一

熟甚頭痛再加川芎軟石膏

錢各一

口乾加石膏知

母麥門冬

錢各一

愚按劉宗厚先生云從卯至午發者邪在大腸小腸

也宜大柴胡湯下之從午至酉發者邪亦在心與腎

也宜大承湯下之此皆邪入於內也從酉至子發者邪在心與膽也或至寅發者此邪在氣在血也宜用桃仁承氣湯微下之更以小柴胡湯徹其餘邪若身熱目痛熱多寒少其脈實長者先以大柴胡湯下之餘熱不盡再用白芷湯若甚寒微熱或但寒不熱者名曰牝瘡用柴胡桂枝湯以解表

若間日或三日發或午後夜發者邪入陰分加川芎當歸

芍藥

酒炒

孰地黃知母

酒炒各一錢

紅花

酒洗

黃蘗

酒炒

升麻

各四分

提起陽分可截之

愚按仲景先生云瘧無他症但隔日發而先寒後熱
寒多熱少用桂枝石膏湯發於夜麻黃黃芩湯竊謂
前症若中氣虛而間日發者用補中益氣湯若氣血
俱虛而三日一發者用十全大補湯大抵邪氣在陽
分者淺而易治邪氣在陰分者深而難治

若間一日連發二日或日夜各發者氣血俱病加人參

黃芪白茯苓

錢各一

以補氣川芎當歸芍藥熟地黃

錢各一

以補血

愚按此條治法當以前後論參看用藥調治

若陽瘡多汗用黃芪人參白朮以斂之無汗柴胡蒼朮
白朮黃芩乾葛以發之

愚按仲景云處暑以前瘡發而頭項痛脈浮惡風有
汗者桂枝羌活湯若惡風無汗者麻黃羌活湯若久
而汗多腠理開泄陽不能固必補斂之無汗則腠理
緻密邪不能解必發散之若屬飲食所傷用六君子

湯為主勞傷元氣用補中益氣湯為主

若陰瘧多汗用當歸白芍藥熟地黃連黃蘗黃芪以斂之無汗柴胡蒼朮川芎紅花升麻以發之故曰有汗者要無汗扶正為主無汗者要有汗散邪為主

愚按前症若寒熱大作不論先後此太陽陽明合病寒熱作則必戰經曰熱勝而動也發熱則必汗泄又曰汗出不愈知內熱也陽盛陰虛之症當內實外虛不治恐久而傳陰經也宜用桂枝芍藥湯若病久須

大補脾胃為主蓋養正邪自除矣

若病人胃氣弱飲食少或服截藥傷脾胃而少食者加

人參

一錢五分

芍藥

酒炒

大麥芽

各一錢

愚按前症若用寒涼止截脾胃傷損必致連綿不已

若非倍養元氣決不能愈然芍藥麥芽善損脾腎恐

不宜多用○洞庭馬志卿母瘧後形體骨立發熱惡

寒自汗盜汗胸膈痞滿日飲米飲盡許服參朮藥益

脹臥床半年矣余以為陽氣虛寒用大劑補中益氣

加附子一錢二劑諸症漸退飲食漸進又二劑全愈

若傷食痞悶或有食積者加神麩麥芽枳實

炒各一錢

黃連

炒

五分

愚按前症若脾胃無虧飲食過多而患暴怒胸膈痞悶者宜用此方以消導宿滯若飲食既消而胸膈痞悶者宜用六君子湯以調補脾胃若勞傷元氣兼停飲食用補中益氣加半夏茯苓以升補脾胃若感怒兼食用二陳參朮木香香附山梔以補脾平肝○冬

官朱省菴停食感寒而患瘧自用清脾截瘧二藥食
後腹脹時或作痛服二陳黃連枳實之類小腹重墜
腿足浮腫加白朮山柎吐食未化余曰食後脹痛脾
虛不能剋化也小腹重墜陽氣不能升舉也腿足浮
腫胃氣不能運行也吐食不消脾胃虛寒也治以補
中益氣湯加吳茱萸桂木香不數服而瘥○一婦人飲
食後患瘧嘔吐屬內停飲食外感風寒用藿香正氣
散而愈後因怒吐痰甚多狂言熱熾胸膈脹痛手按

少止脈洪大無倫按之微細余謂肝脾二經血少火旺用加味道遙散加熟地川芎二劑頓退再用十全大補而安

若痰盛加半夏

薑製

南星枳實

各一錢

黃芩

炒

黃連

各六分

愚按前方非膏粱積熱實火為痰者不宜用若中氣虛而痰甚用補中益氣湯加茯苓半夏如未應用一味薑汁尤好

若欲截之加檳榔黃芩青皮常山

各一錢

烏梅肉

三箇

愚按前症若血氣俱虛用人參生薑各一兩煎服頓止不問新久並效若嚙酸口酸且節飲食其病潮作時雖大渴只與薑湯乘熱飲之此亦截瘧之良法每見飲啖生冷物者病或少愈多致脾虛胃損反為難治若病勢正熾一二發間未宜遽截恐邪氣不去正氣反傷耳此法有益無害○一上舍每至夏秋非停食作瀉必瘧痢霍亂遇勞吐痰頭眩體倦發熱惡寒雜用四物二陳苓連之類患瘧服止截之藥前症益

甚時或遍身如芒刺然余謂中氣虛熱用補中益氣湯加茯苓半夏內參芪各用三錢歸朮各二錢四十餘劑全愈

若日久虛癯寒熱不多或無寒而微熱者邪氣已無只用四君子合四物湯加柴胡黃芩陳皮以滋補氣血

愚按前症若因胃氣虛用四君加升麻當歸若脾血虛用四君加川芎當歸若因中氣下陷用補中益氣湯加茯苓半夏大凡久癯多屬元氣虛寒蓋氣虛則

寒血虛則熱胃虛則惡寒脾虛則發熱陰火下流則
寒熱交作或吐涎不食戰慄泄瀉手足逆冷皆脾胃
虛弱但補中益氣其諸症悉愈○一婦人瘡久不愈
發熱口乾倦甚此脾胃虛熱用七味白朮散加麥門
五味作大劑煎與恣飲再發稍可乃用補中益氣湯
加茯苓半夏十餘劑而愈○一婦人久瘡寒熱服清
脾飲之類胸膈飽脹飲食減少

用補中益氣湯加茯苓半夏炮薑各一錢

而瘡

咳嗽

咳謂有聲肺氣傷而不清嗽謂有痰脾濕動而生痰嗽咳者因傷肺氣而動脾濕也病本雖分六氣五臟之殊而其要皆主於肺蓋肺主氣而聲出也治法須分新久虛實新病風寒則散之火熱則清之濕熱則瀉之久病便屬虛屬鬱氣虛則補氣血虛則補血兼鬱則開鬱滋之潤之斂之則治虛之法也

主方

橘紅

七分

五味子

桔梗

甘草

炙各五分

杏仁

去皮尖

白

茯苓

各一錢

春多上升之氣宜潤肺抑肝加川芎芍藥半夏

各一錢

麥

門冬黃芩

炒

知母

各五分

春若傷風欬嗽鼻流清涕宜辛涼解散加防風薄荷黃芩

炒

麥門冬

各一錢

愚按前症若因風寒所傷咳嗽聲重頭痛用金沸草

散咳嗽聲重身熱頭痛用局方消風散蓋肺主皮毛

肺氣虛則腠理不密風邪易入治法當解表兼實肺
氣肺有火則腠理不閉風邪外乘治宜解表兼清肺
火邪退即止若數行解散則重亡津液邪蘊而為肺
疽肺痿矣故凡肺受邪不能輸化而小便短少皮膚
漸腫咳嗽日增者宜用六君子湯以補脾肺六味丸
以滋腎水○一儒者素勤苦惡風寒鼻流清涕寒慄
嚏噴服祛風之藥肢體麻木倦怠痰涎自出殊類中
風余以為風劑耗散元氣陰火乘其土位也遂以補

中益氣湯加麥門五味治之而安 一儒者每至春咳嗽用參蘇飲之類乃愈後復發仍用前藥反喉痞左尺洪數而無力余以為腎經陰火刑剋肺金以六味丸料加麥門五味炒山梔及補中益氣湯而愈

夏多火熱炎上最重宜清金降火加桑白皮知母黃芩

炒
麥門冬石膏

各一錢

愚按王太僕云壯水之主以制陽光前症若喘急而嗽面赤潮熱其脈洪大者用黃連解毒湯熱躁而咳用

梔子仁湯咳唾有血用麥門冬湯俱兼以六味丸夏
月尤當用此壯腎水以保肺金周上舍每至夏
患咳嗽服降火化痰之劑咳嗽益甚脾肺腎脈皆浮
而洪按之微細余曰此脾土虛不能生肺金肺金不
能生腎水而虛火上炎也朝用補中益氣湯夕用六
味地黃丸而痊後至夏遂不再發○一男子夏月唾
痰或嗽用清胃火藥不應余以為火乘肺金用麥門
冬湯而愈後因勞復嗽用補中益氣湯加桔梗山梔片

芩麥門五味而愈但口乾體倦小便赤澇日用生脈散而痊愈

秋多濕熱傷肺宜清熱瀉濕加蒼朮桑白皮各一錢防風

黃芩山梔

炒各五分

愚按前症若咳而身熱自汗口乾便赤脈虛而洪者用白虎湯身熱而煩氣高而短心下痞滿四肢困倦精神短少者香薷飲若病邪既去宜用補中益氣加乾山藥五味子以養元氣柴胡升麻各二分以升生

氣

冬多風寒外感宜解表行痰加麻黃桂枝半夏乾薑防

風各一錢

肺金素有熱者再加酒炒黃芩知母

各五分

若發

熱頭痛鼻塞身重再加藁本川芎前胡柴胡

各一錢

愚按果係前症若風寒外感形氣病氣俱實者宜用
麻黃之類所謂從表而入自表而出若形氣病氣俱
虛者宜補其血氣而佐以解表之藥若專於解表則
肺氣益虛腠理益疎外邪乘虛易入而其病愈難治

矣若病日久或誤服表散之劑以致元氣虛而邪氣實者急宜補脾土為主則肺金有所養而諸病自愈若人老弱或勞傷元氣而患前症誤用麻黃枳殼紫蘇之類而汗出亡陽者多患肺癰肺痿治失其宜多致不起○一男子神勞冬月患咳嗽服解散之劑自以為便余曰此因肺氣虛弱腠理不密而外邪所感也當急補其母是治本也始服六君子湯內去參朮反加紫蘇枳殼之類以致元氣益虛生肺癰而歿○太守

錢東垣先患肩疽屬足三陰虛火不歸源用壯水之主以制陽光而愈余曰瘡疾雖愈當屏去侍女恐相火一動其精暗流金水復竭必致變症後果喘嗽痰出如湧面目赤色小便淋澁又誤認為外感風寒用麻黃湯表散汗出不止迎余視之其脈已脫惟太沖未絕余曰此脾虛不能攝涎腎虛不能生水肺虛不能攝氣水泛為痰虛寒之症也辭為難治勉以益火之源以消陰翳而愈繼又勞傷神思外邪乘之仍汗

出亡陽以致不起

若有痰加半夏枳殼風痰再加南星

薑汁炒

濕痰脾困少

食加白朮蒼朮有痰而口燥咽乾勿用半夏南星宜加

知母

蜜水拌炒

貝母瓜蒌仁黃芩

炒

愚按前症若因脾氣虛而為濕痰者宜用補中益氣湯若因腎經虛熱而口燥咽乾者宜用六味丸

若夏月熱痰或素熱有痰加黃芩黃連知母石膏

愚按前症若心火乘肺輕則用麥門冬湯重則用人

參平肺散若上焦實熱用涼膈散虛熱用六君子湯
中焦實熱用竹葉石膏湯虛熱用竹葉黃芪湯下焦
虛熱用六味丸○一武職因飲食起居失宜咳嗽吐
痰用化痰止咳之藥時仲夏左尺洪數而無力胸滿
面赤唾痰腥臭自汗余曰腎虛水泛為痰而反重亡
津液得非肺癰乎不信仍服前藥翌日吐膿脈數右
寸為甚用桔梗湯一劑數脈與膿頃減又二劑將愈
佐以六味丸而痊

上半日咳者胃中有火加貝母石膏黃連五更咳者同
上

愚按前症若胃中熱甚為患者宜用本方泄之若胃
中微熱為患者當用竹葉石膏湯清之若胃中虛熱
所致者須用補中益氣湯補之俱少佐以治痰之劑
其五更咳嗽者當作脾虛宿食為痰治之 一儒者
咳嗽用二陳苓連枳殼胸滿氣喘侵晨吐痰加蘇子
杏仁口出痰涎口乾作渴余曰清晨吐痰脾虛不能

消化飲食也胸滿氣喘脾虛不能生肺金也涎沫自
出脾虛不能收攝也口乾作渴脾虛不能生津液也
用六君子加炮薑肉果溫補脾胃更用八味丸以補
土母而安

若咳嗽久肺虛滋氣補血加人參黃芪阿膠當歸生薑
天門冬款冬花馬兜鈴芍藥酒炒之類肺熱喘咳去人參
用沙參此兼補血氣也

愚按肺屬金生於脾土凡肺金受邪由脾土虛弱不

能生肺乃所生受病治者審之

若昏咳者火浮於肺不可正用寒涼藥宜加五味子五倍子訶子皮斂而降之

愚按前症屬脾肺氣虛以致腎經陽虛陰弱而虛火上炎或房勞太過虧損真陰為患法當補脾肺生腎水不可專主於肺也

若午後嗽者屬陰虛即勞嗽也宜補陰降火加川芎當歸芍藥熟地黃柏知母竹瀝薑汁天門冬瓜蒌仁貝母

此專補陰血也

愚按前症屬腎氣虧損火炎水涸或津液湧而為痰者乃真臟為患也須用六味地黄丸壯腎水滋化源為主以補中益氣湯養脾土生肺腎為佐設用清氣化痰則誤矣○司廳陳國華素陰虛患咳嗽自謂知醫用發表化痰之劑不應用清熱化痰等藥愈甚余以為脾肺虛不信用牛黃清心丸反加胸腹作脹飲食少思遂朝用六君桔梗升麻麥門五味補脾土以

生肺金夕用八味丸補命門火以生脾土諸症漸愈

○中翰鮑羲伏患陰虛咳嗽服清氣化痰丸及二陳

苓連之類痰益甚用四物黃柏知母之類腹脹咽啞

右關脈浮弦左尺脈洪大余朝用補中益氣湯加山

茱麥門五味夕用六味地黃丸加五味子三月餘喜

其慎疾得愈

若火鬱嗽為痰鬱火邪在中宜開鬱消痰用訶子皮香

附童便瓜蒌仁半夏麩海石青黛黃芩為末蜜調為丸

噲化仍服前補陰降火藥失治則成勞

愚按前症若因肺胃蘊熱痰氣不利宜用前藥若因脾肺不清氣鬱痰滯用二陳加山梔枳殼桔梗若因鬱結傷脾氣血虛損用濟生歸脾加山梔桔梗若因怒動肝火脾土受剋用四君子加山梔柴胡若勞役失宜傷損元氣用補中益氣加山梔桔梗○一婦人不得於姑患咳胸膈不利飲食無味此脾肺俱傷痰鬱於中先用歸脾湯加山梔撫芎貝母桔梗諸症漸

愈○一婦人咳嗽脇痛發熱日晡益甚用加味逍遙散加熟地治之而愈後因勞役多怒前症仍作又少陽寒熱往來或咳嗽遺尿皆屬肝虛火旺陰挺痿痺用前散及地黃丸而痊

若痰積食積作咳嗽者用香附瓜萸仁貝母海石青黛半夏麩軟石膏山查枳實黃連薑炒為末蜜調噲化

愚按前症若因飲食停滯胃口濕熱所化者宜用本方若因脾胃氣虛而痰積滯用六君子加枳殼木香

若因脾胃氣虛而食積滯用六君子加神麩麥芽夫
早間吐痰咳嗽屬食積喘促咳嗽屬肺氣虛火旺大
抵當助胃壯氣為主不可專攻其痰

若勞嗽見血加阿膠當歸芍藥天門冬知母貝母桑白
皮亦於前肺虛陰虛二條擇用大抵咳嗽見血多是肺
受熱邪氣得熱而變為火火盛而陰血不寧從火上升
故治宜瀉火滋陰忌用人參等甘溫之藥然亦有氣
虛而咳血者則宜用人參黃芪款冬花等藥但此等症

不多耳

愚按前症亦有勞傷元氣內火妄動而傷肺者亦有勞傷腎水陰火上炎而傷肺者有因過服天門生地寒藥損傷脾胃不能生肺氣而不愈者有因誤用黃柏知母之類損傷陽氣不能生陰精而不愈者凡此皆脾肺虧損而腎水不足以致虛火上炎真臟為患也須用補中益氣湯補脾土而生肺金用六味地黃丸滋腎水而生陰精否則不救○一武職素不慎起居

吐痰自汗咳嗽發熱服二陳苓連山梔之類前症不
減飲食少思用四物二陳苓連之類前症愈甚反添
胸膈不利食少晡熱加桑皮杏仁紫蘇之類胸膈膨
脹小便短少用四苓枳殼之類小便不通飲食不進
余視之六脈洪數肺腎二部尤甚余曰脾土既不能
生肺金而心火乘之必變肺癰之症也不信仍服前藥
後吐痰吐膿復求治余曰胸膈痞滿脾土敗也已而
果歿

因咳而有痰者咳為重主治在肺因痰而致咳者痰為重主治在脾但是食積成痰痰氣上升以致咳嗽只治其痰消其積而咳自止不必用肺藥以治咳也

愚按前論治法最是仍分六淫七情及五臟相勝脾胃虛實以治之否則恐成肺癰之症○一男子脾胃不和服香燥行氣之劑飲食少思兩脇脹悶服行氣破血之藥致飲食不入右脇脹痛喜手按之余曰乃肝木剋脾土而脾土不能生肺金也用滋化源之藥

四劑諸症頓退余又曰火令在適當再補脾土以養肺金不信後復作吐膿而歿

痰飲

痰屬濕熱乃津液所化因風寒濕熱之感或七情飲食所傷以致氣逆液濁變為痰飲或吐咯上出或凝滯胸膈或留聚腸胃或客於經絡四肢隨氣升降遍身上下無處不到其為病也為喘為咳為惡心嘔吐為痞隔壅塞關格異痞為泄為眩暈為糟雜怔忡驚悸為顛狂為寒熱為痛腫或胸間轆轤有

聲或背心一點常如冰冷或四肢麻痺不仁皆痰所致百病中多有兼痰者世所不知也痰有新久輕重之殊新而輕者形色清白氣味亦淡久而重者黃濁稠結咳之難出漸成惡味酸辣腥臊鹹苦甚至帶血而出治法痰生於脾胃宜實脾燥濕又隨氣而升宜順氣為先分導次之又氣升屬火順氣在於降火熱痰則清之濕痰則燥之風痰則散之鬱痰則開之頑痰則軟之食積則消之在上者則吐之在中者下之又中氣虛者宜固中氣以運痰若攻之太重則

胃氣虛而痰愈甚矣

主方

橘紅

半夏

湯炮

白茯苓

甘草

炙

生薑

右方總治一身之痰如要下行加引下藥上行加引

上藥

若濕痰多軟如身體倦怠之類加蒼白朮寒痰痞塞胸中倍加半夏甚者加麻黃細辛烏頭之類

愚按痰者脾胃之津液或為飲食所傷或因七情六

淫所擾故氣壅痰聚諺云肥人多痰而在瘦人亦有
之何也蓋脾統血行氣之經氣血俱盛何痰之有皆
由過思與飲食所傷損其經絡脾血既虛胃氣獨盛
脾為己土胃為戊土戊癸化火是以濕因氣化故多
痰也遊行周身無所不至痰氣既盛客必勝主或奪
於脾之大絡之氣則倏然仆地者此痰厥也升於肺
者則喘急咳嗽迷於心則怔忡恍惚走於肝則眩暈
不仁脇肋脹痛闕於腎不哈而多痰唾留於胃腕則

嘔瀉而作寒熱注於胸則咽膈不利眉稜骨痛入於腸則澆澆有聲散則有聲聚則不利竊謂若脾氣虛弱不能消濕宜用補中益氣湯加茯苓半夏若因脾氣虛弱濕熱所致宜用東垣清燥湯若因胃氣虛弱寒痰凝滯宜用人參理中湯若因脾胃虛寒而痰凝滯者宜用理中化痰丸若因脾虛而痰滯氣逆宜用六君子加木香若因脾胃虛弱而肝木乘侮宜用六君子加柴胡頭頭痛宜用半夏白朮天麻湯若因脾腎

虛弱寒邪所乘以致頭痛宜用附子細辛湯

若風痰加南星枳殼白附子天麻殭蠶猪牙皂角之類

氣虛者更加竹瀝氣實加荆瀝俱用薑汁

愚按脈訣云熱則生風故云風自火出若風邪氣滯痰蘊於胸中者宜用之若因肺經風熱而生痰者宜用金沸草散若因風火相搏肝經風熱熾盛而生痰者宜用牛黃抱龍丸或牛黃清心丸若因肝經血燥而生痰者宜用六味地黃丸若因熱盛制金不能平

木而生痰者宜用柴胡梔子散若因中氣虛弱不能運化而生痰者宜用六君柴胡鈞藤

若熱痰加黃芩黃連痰因火盛逆上降火為先加白朮黃芩軟石膏黃連之類眩暈餽雜者火動其痰也亦加山梔黃芩黃連

愚按前方若肺胃實者宜用之若風寒鬱熱宜用參蘇飲加山梔片芩若中氣虛熱宜用補中益氣加半夏桔梗若腎虛陰火炎上宜用六味丸若腎氣虛寒

痰上湧用八味丸

若血虛有痰者加天門冬知母瓜蒌仁香附米竹瀝薑汁帶血者再加黃芩芍藥桑白皮血滯不行中焦有飲者取竹瀝和生薑韭菜自然汁服三五盞必胸中煩燥不寧後自愈

愚按前方苦寒甘寒辛辣降火化痰行氣破血之劑須審有是病而乃服是藥可也病去六七即當止之過劑則反傷中氣而病益甚大凡內因之症原屬脾

胃虛弱當審所致之由而調養之若稍重其劑復傷
胃氣虛症蜂起

若氣虛有痰者加人參白朮脾虛者宜補中氣以運痰
降下加白朮白芍藥神麩麥芽兼用升麻提起內傷挾
痰加人參黃芪白朮之類薑汁傳送或加竹瀝尤效

愚按前症若脾肺氣虛不能運化而有痰者宜用六
君子加木香若肺氣虛弱不能清化而有痰者宜用
六君子加桔梗若因脾經氣滯而痰中有血者宜用

加味歸脾湯若因肝經血熱而痰中有血者宜用加
味逍遙散若因肝腎陰虛而痰中有血者宜用六味
地黃丸若因過服寒涼之劑而吐痰有血者必用四
君子湯之類以主之

若食積痰加神麩麥芽山查黃連炒枳實以消之甚者
必用攻之宜丸藥若兼血虛者用補藥送下中焦有痰
者食積也胃氣亦賴所養若攻之盡則虛矣

愚按前症若元氣素實偶因飲食過多而致者宜用

主方消導宿滯蓋食痰多因脾虛食難消化而作痰也血虛者多因脾氣衰弱不能生血也皆當調補脾胃之氣則無食積之患而血自生矣故東垣云脾胃之氣實用黃連枳實瀉之虛用白朮陳皮補之其方內用神麩麥芽說見上卷○府庠沈文姬母食濕麩吞酸嘔吐絕食服苓連等劑加寒熱口乾流涎又食東瓜一星而嘔吐愈甚余謂此脾氣虛寒也急用鹽艾附子炒熱熨臍腹又以其子口氣接其母氣神氣少

甦以參朮附子陳皮為末丸如粟米大津嚥五七粒
次日加至十餘粒漸服煎劑一二匙乃思粥飲又以

參朮等藥五十餘劑而愈

詳見內
科摘要

若喉中有物咯不出嚥不下此痰結也用藥化之加鹹
藥軟堅之類宜瓜萆仁杏仁海石桔梗連翹香附少佐
朴硝薑汁煉蜜和丸噙服之脈濇者卒難開必費調理
氣實痰熱結者吐難得出或成塊吐咯不出氣滯者難

治

愚按此方治形症充實之法也前症有因脾經鬱結而傷陰血者有因腎水虧損而陰火上炎者有因脾肺火鬱而生痰者治法若因七情鬱結痰涎滯於喉間者先用局方四七湯調和滯氣後用歸脾湯補脾血脾火傷血用加味歸脾湯腎水虧損用六味地黃丸肺經鬱火用知母茯苓湯若婦人患此而兼帶下皆由鬱結傷損肝脾當佐以四七湯送青州白丸子此等症候屬脾胃氣虛為本而氣滯痰結為末也

古方用十棗湯控涎丹神祐丸滾痰丸異香枳實利
膈滌痰透羅破飲降氣化痰等湯蘇合香丸之類皆
形病充實之藥也西北人用之多有效驗其屬虛弱
者皆致肚腹脹滿而歿○大參李北泉時吐痰涎內
熱作渴肢體倦怠勞而足熱余曰此腎水泛而為痰
法當補腎不信另服化痰湯滾痰丸吐瀉不食頭暈
眼閉余用六君子湯數劑胃氣漸復用六味丸諸症
漸愈○一儒者咳嗽痰盛胸腹不利飲食少思肢體

倦怠脈浮大按之微弱服二陳枳殼等藥愈甚余曰
脾肺腎虛也用補中益氣湯六味地黄丸而愈

若痰在腸胃間可下而愈枳實甘遂巴豆大黃芒硝之
類痰在脾裏膜外非薑汁竹瀝不能及在四肢非竹瀝
不開在經絡中亦用竹瀝必佐以薑韭汁膈間有痰或
癲狂或健忘或風痰俱用竹瀝與荆瀝同功氣虛少
食用竹瀝氣實能食用荆瀝痰在脇下非白芥子不能
達

愚按前症多因飲食起居七情失宜耗損元氣內火動而為患者當求其屬而治其本可也前法乃慄悍之劑非灼見形氣俱充實者決不可用必先察其病形脈症則知所挾之邪隨其表裏上下虛實以治之若夫挾虛挾寒之症不可不論也○一儒者脾氣虛弱嘔吐痰涎因怒胸腹膨脹飲食少思左關脈弦長按之無力右關脈弦長按之微弱此木剋土也用六君子加柴胡山梔木香治之而愈○一婦人脾胃虛

弱飲食素少忽痰壅氣喘頭搖目劄手揚足擲難以候脈
視其面色黃中兼青此肝木乘脾胃也用六君子加
柴胡升麻治之而甦更以補中益氣加半夏調理而痊
若老痰用海石半夏瓜蒌仁香附米連翹之類五倍子
佐他藥大治頑痰宜作丸服

愚按前症若脾氣壅滯痰客中焦者宜先用此方以
治其痰後用六君子以調補脾氣其痰自消若始末悉治
其痰則脾氣益虛津液不行而痰益盛矣○一男子吐痰

胸膈不利飲食少思服海石瓜萋之類不應余曰此脾氣
虛弱不能消導而為痰當健脾為主彼不信又服驅逐之
劑其痰如湧四肢浮腫小腹腫脹小便澀滯余曰此復損
脾腎所致也先用金匱加減腎氣丸補中益氣湯治之諸
症漸減又用八味丸兼煎湯而愈○一男子素吐痰遇怒其
痰益甚胸膈痞滿此肝木制脾土也用六君加木香治之而
痊○一婦人素鬱結胸膈不寬吐痰如膠用加味歸脾湯
乃瘥○一婦人吐痰頭暈帶下青黃用四七湯送白丸子

小柴胡加白朮茯苓治之而安

人身上中下有塊是痰也問其平日好食何物吐下後
方用藥

若頭面頸頰身上有結核不痛不紅不作膿者皆痰注
也宜隨處用藥消之

愚按前症若脾肺氣逆而痰滯於肉裏或散或作肉色
不變亦不作痛按之不硬此為痰核宜推其因而治其
本則痰自消若因鬱怒虧損肝脾或因暴怒觸動肝膽

經火以致血病結核或筋攣於項側耳前後或胸脇腫痛或發寒熱此為癰瘰宜用柴胡清肝散加釣藤鈎山梔以養血氣清肝火若肉色不變晡熱內熱屬肝經血虛火旺宜用逍遙散加龍膽草以養肝血清肝火或結於肢節或累累如貫珠其色不變亦為肝火血燥而筋攣宜用柴芍參苓散加鈎藤以養血氣佐以六味丸以生腎水○儒者楊澤之性躁好色缺益結一核此肝火血燥筋攣法當滋腎水生肝血不信乃內服降火化痰外

敷南星商陸轉大如碗余用補中益氣及六味地黃
間以蘆薈九年餘元氣漸復而腫消○一婦人經事不
調肝膽經分結核如榛如豆不計其數肉色不變大按
方痛或投化痰消毒之藥不按自痛發熱作渴日晡
益甚余謂屬肝火之症用養血解鬱清肝之藥百餘
劑諸症已退惟項核未消更以當歸龍薈丸數服及
四物柴胡山梔而愈○一婦人耳前後結核耳內微
腫寒熱口苦用小柴胡山梔桔梗川芎四劑而愈後

因恚怒耳前後頭兩角俱痛發熱憎寒以小柴胡山

梔川芎桔梗羌活二劑而愈

詳見外科樞要

滾痰丸攻瀉腸胃痰積及小兒食積痰急驚風痰甚者最為要藥常宜合備但須量人虛實而用之

愚按滾痰丸奪旗斬關回生起死之劑必痰滯胸膈秘結不利形氣病氣俱實者乃可用之或脾氣不能攝涎而上泛或腎氣不能攝水而上溢苟誤認為實痰而用之禍在反掌江南人尤慎之一婦人元氣

素弱痰氣時作或咽間不利或胸痞等症余以為鬱
結傷脾用加味歸脾湯治之而愈後遇恚怒前症仍
作惑於衆言以為痰飲妄用祛痰之劑吐瀉數次變
諸異症口禁不醒余以為脾胃復傷日用六君子一
劑米飲濃煎常服匙許至四日漸進粥食乃服前藥
間以歸脾湯喜其善調養兩月餘諸症悉愈

擬治嶺南諸病

春秋時月人感山嵐瘴霧之氣發寒熱胸膈飽悶不思

飲食此毒氣從鼻口入內也治當清上焦解內毒行氣降痰不宜發汗

主方

黃連

姜炒

黃芩

木香

厚朴

姜製

枳實

麩炒

半夏

湯洗

桔

梗

柴胡

川芎

木通

各一錢

生甘草

七分

升麻

蒼朮

泔浸鹽水炒
各一錢五分

右薑水煎食前熱服

愚按嶺南炎方瀕海地卑土薄故陽氣常泄陰氣常

盛四時放花冬無霜雪一歲之間暑熱過半窮臘久晴或至搖扇人居其間氣多上壅膚多汗出腠理不密蓋陽不反本而然也陽燠既泄則使人本氣不堅陽不下降常浮而上氣浮而不堅則玄府開疎汗液易泄故內寒外熱上熱下寒之症由生也治當固陽氣實腠理為主若多用表散之藥則陽氣愈虛風邪益盛鮮有不悞者矣苟係外邪為患則當解散之外邪既解而病仍作肺氣傷也用補中益氣湯若頭目

不清胃氣不能上升也加蔓荊子若飲食少思胃氣
虛也用四君子湯若食而難化脾氣虛也用六君子
加芍藥當歸若胃寒冷飲食或作吞酸脾氣虛寒也
前藥更加炮薑不應再加吳茱萸四分黃連二分餘
各當推而治之嶺南瘴癘為患諸症詳見衛生篇凡
宦遊此地者當備此書而嘗覽之

若寒溫失節汗身脫衣巾感冒風寒之氣氣閉發熱頭
疼此則傷寒類也但嶺南氣溫易出汗故多類瘧重則

寒熱不退輕則為瘧南方氣升故嶺南人得此病者卒
皆胸滿痰涎壅塞飲食不進與北方傷寒只傷表而裏
自和者不同治當解表清熱降氣行痰此方用於寒涼
時月及雖在溫暖時而感冒風寒者

羌活

蒼朮

浸 泔

柴胡

黃芩

橘紅

半夏

洗 湯

枳實

甘草

炙

川芎

各一
錢

右薑水煎食前服查隨服取汗出止服

愚按前症若內停飲食外感風寒用藿香正氣散若

脾氣虛弱而寒熱作嘔用金不換散蓋嶺南之地濕熱薰蒸腠理不閉津液妄泄陽氣內虛法當調補肺氣為主蓋肺主氣而司腠理肺氣虛則腠理不密故津液妄泄多患前症若外邪既去當補脾土以生肺金

瘴瘧時瘧寒熱往來

蒼朮

湯浸

黃芩

酒炒

乾葛

陳皮

半夏

湯洗

川芎

各一錢

甘草

七分炙

柴胡

知母

各一錢五分炒

右薑三片烏梅三箇水煎侵晨午前服

愚按前症若因外邪未解而寒熱往來者宜用原方解散之若因脾氣素弱或服前藥外邪既去而寒熱不止或欲嘔少食者脾氣虧損也宜用補中益氣湯加半夏乾葛茯苓調補之若午前寒熱屬氣虛用四君子加當歸升麻若午後寒熱屬血虛用八珍湯加柴胡升麻大凡病久氣虛而血弱者必發熱須用四君之類調補脾胃脾胃一健氣血自生若誤認為血虛

而用四物沈陰之劑徑生其血則脾土復傷諸臟皆病虛症蜂起反為難治甚致不救

瘧久者加人參

一錢五分

當歸

一錢

汗多者去蒼朮換白朮加

白芍藥

酒炒一錢五分

愚按瘧久不愈屬中氣虛不能滋養諸臟但調補脾胃諸病自退其汗自出者乃陽氣虛而不能衛固於腠理也用四君加歸芪陳皮未應加薑桂手足逆冷急加附子盜汗者陰虛而腠理不密也宜用八珍加

肉桂五味子煩熱作渴暫用當歸六黃湯其中三黃俱妙黑倍加參芪汗既止仍用八珍散之類若腎氣素虛發熱作渴宜六味丸手足逆冷或痰氣上攻宜用八味丸若邪氣既散而寒熱仍作此真氣虛也即用補中益氣湯若氣虛而寒熱者用八珍湯若治失其宜則元氣虧損變症百出不但久瘧而已矣

瘧後變成痢疾宜從虛治故用補脾胃藥

黃連

炒

木香

宿砂

黃芩

炒

橘皮

白朮

各一錢

甘草

炙五分

白芍藥

炒二錢

當歸

酒洗一錢

右薑水煎食前服

愚按前症乃病氣有餘血氣不足而變症也宜用原方以清解脾胃邪熱若病氣形氣俱不足而不能愈宜補中益氣湯滋養諸臟自愈

若溫暑之月民病天行瘟疫熱病治宜清熱解毒之劑兼治內外愈後隨當調理脾胃以壯元氣

枯黃芩

升麻

乾葛

知母

酒炒各一錢

人參

白

芍藥

石膏

各一錢半

黃連

酒炒四分

甘草

七分

羌活

二錢

生地

黃

酒洗五分

右薑水煎食前熱服查繼服

愚按前症若邪在足陽明表裏不解者宜用本方和

解之若疎通過度胃氣虧損而發熱煩渴者用竹葉

黃芪湯以生津液若悞汗亡陽而發熱煩口者用升

陽益胃湯若悞下亡陰而發熱煩燥者用理中湯

若胸膈痞悶痰涎壅塞者加枳實半夏

各一錢

生薑汁四

五匙脾胃不實加白朮

半 一錢

難出此等之痰皆因火邪炎上薰於上焦肺氣被鬱故其津液之隨氣而升者為火薰蒸凝濁鬱結而成歲月積久根深蒂固故名老名鬱而其原則火邪也病在上焦心肺之分咽喉之間非中焦脾胃濕痰冷痰飲痰涎之比故湯藥難治亦非半夏茯苓蒼朮枳殼南星等藥所能治也惟在開其鬱降其火清潤肺金而消凝結之痰緩以治之庶可效耳今製一方于後

天門冬去心 黃芩酒炒 海粉 橘紅各一兩 青黛另研 桔

梗連翹

各五錢

芒硝

另研三錢

瓜蒌仁

取肉另研一兩

香附

杵碎

淡鹽水浸炒五錢

右為細末煉蜜入薑汁少許和藥杼極勻丸小龍眼
大噲化一丸或嚼爛清湯細嚥之或丸如黍米大淡
鹽湯送下五六十九丸

愚按前方味屬甘苦鹹寒之劑雖能軟堅開鬱化痰
降火而不無損胃之禍乎若脾土大過氣滯鬱熱而

生痰者用之得宜若脾土不及氣痞虛熱而生痰者
用之必致中滿吞酸肚腹腫脹小便不利而致治者
審之○一南來者接踵死者塞途良可哀憫殊不知
此方因嶺南風土而作且浙之與廣相去萬里殊域
異方天時人事大不相侔豈有槩一治療而無悞者
哉

薛氏醫案卷二十一

欽定四庫全書

子部

薛氏醫案卷二十二

詳校官太醫院醫士臣舒斌

編修臣倉聖脈覆勘

總校官原任中允臣王燕緒

校對官中書臣李斯咏

謄錄監生臣何青

欽定四庫全書

薛氏醫案卷二十一

明醫雜著

續醫論

明薛己訂

喘與脹二症相因必皆小便不利喘則必生脹脹則必
生喘但要識得標本先後先喘而後脹者主於肺先脹
而後喘者主於脾何則肺金司降外主皮毛經曰肺朝

百脉通調水道下輸膀胱又曰膀胱者州都之官津液藏焉氣化則能出矣是小便之行由於肺氣之降下而輸化也若肺受邪而上喘則失降下之令故小便漸短以致水溢皮膚而生脹滿焉此則喘為本而脹為標治當清金降火為主而行水次之脾土惡濕外主肌肉土能尅水若脾土受傷不能制水則水濕妄行浸潰肌肉水既上溢則邪反侵肺氣不得降而生喘矣此則脹為本而喘為標治當實脾行水為主而清金次之苟肺症

而用燥脾之藥則金得燥而喘愈加脾病而用清金之藥則脾得寒而脹愈甚矣近世治二症但知實脾行水而不知分別脾肺二症予故為發明之

愚按前症若肺中伏熱不能生水而喘且渴者用黃芩清肺飲以治肺用五淋散以清小便若脾肺虛弱不能通調水道者宜用補中益氣湯以培元氣用六味地黃丸以補腎水若膏粱厚味脾肺積熱而喘者宜清胃散以治胃用滋腎丸以利小便若心火尅肺

金而不能生腎水者用人參平肺散以治肺用滋陰丸以滋小便若腎經陰虧虛火爍肺金而小便不生者用六味地黃丸以補腎水用補中益氣湯以培脾土若脾氣虛弱不能相制而喘者用補中益氣湯以培元氣用六味地黃丸以生腎水若肝木尅脾土不能相制而喘者用六君柴胡升麻以培元氣六味地黃丸以補腎水若脾胃虛寒不能相制而脹者用八味丸以補脾肺生腎水若脾腎虛寒不能通調水道

而脹者宜用金匱加減腎氣丸補脾肺生腎水若酒
色過度虧損足三陰而致喘脹痰湧二便不調或大
小便道相牽作痛者亦宜用此丸多有生者○一富
商飲食起居失宜大便乾結常服潤腸等丸後胸腹
不利飲食不甘口乾體倦發熱吐痰服二陳黃連之
類前症益甚小便滴瀝大便泄瀉腹脹少食服五苓
藿麥之類小便不通體腫喘嗽用金匱腎氣丸補中
益氣湯而愈○一儒者失於調養飲食難化胸膈不

利或用行氣消導藥咳嗽喘促用行氣化痰肚腹漸
脹用行氣分利睡卧不能兩足浮腫小便不利大便
不實肺腎脉浮大按之微細兩寸皆短朝用補中益
氣湯加薑附夕用金匱腎氣丸加骨脂肉果各數劑
諸症漸愈再佐以八味丸兩月乃能步履却服補中
八味半載而康

氣虛補氣用四君子湯血虛補血用四物湯虛甚者俱
加熟附子蓋四君四物皆和平寬緩之劑須得附子健

悍之劑行之方能成功附子熱藥本不可輕用但當病雖在暑熱時月亦可用也予嘗治一僕人五月間病熱口渴唇乾譫語診其脉細而遲用四君子湯加黃芪當歸芍藥熟附子進一服熱愈甚狂言狂走或曰附子差矣診其脉如舊仍增附子進一大服遂汗出而熱退脉還四至矣又嘗治一婦人亦夏間病熱初用平調氣血兼清熱和解之劑服二三服不應熱愈甚舌上焦黑膈間有火嗽水不嚥診其脉兩手皆虛微而右手微甚六

七日內譫語撮空循衣摸床惡症俱見後用四物湯加黃芪人參白朮陳皮麥門知母熟附子服之一二時汗出而熱退次日復熱再服仍退又次日復發知其虛極也遂連進十服皆加附子而安

愚按前論正所謂捨時從症捨症從脉真有定見者也○一男子發熱煩渴頭痛誤行發汗喘急腹痛自汗譫語用十全大補加附子治之熱睡喚而不醒及覺諸症頓退再劑而痊○黃武選飲食勞倦發熱惡

寒誤用解表神思昏憤胸發赤斑脉洪數而無力余
曰此內傷元氣非外邪也急用溫補之劑彼不從後
果歿

飲食過傷變為異常急暴之症人多不識嘗有一壯年
人忽得暴病如中風狀口不能言語目不識人四肢不
舉急服蘇合香丸不效余偶過聞之因詢其由曰適於
陪客飲食後忽得此症遂教以煎生薑淡鹽湯多飲探
吐之吐出數碗而醒後服白朮陳皮半夏麥芽調理而

愈大抵此等症多因飲食醉飽之後或感風寒或着氣
惱而致飲食填塞胃氣不行內傷特重若誤作中風中
氣症而用驅風解表行氣散氣之藥則胃氣重傷死在
旦夕內經雖有暴病暴死之症但恐多有因於食者前
輩不曾明言故人不識耳今後遇有此等急症須要審
問明白若方飲食醉飽或累傷飲食重復受傷但覺胸
膈有食滯只作傷食治之

愚嘗治趙吏部患吐物出皆酸味其脉氣口大於人

迎者二三倍僚友速余投劑余曰此實邪在上候其吐盡酸味不藥自愈翌早吐止而安○一婦人飲食後因怒忽患血崩四肢逆冷抽搐口禁如發瘧然吐痰如湧灌以二陳柴胡山梔枳殼吐出酸味神思稍醒藥止次日進薄粥少許但乳脇脹痛寒熱欲嘔四肢倦怠余以為悉屬肝火熾盛致脾氣不能運化先用六君柴胡山梔釣藤鈎諸症頓退惟四肢不遂血崩如初或又以為肝火未息欲投清肝涼血之劑余

以為肝脾氣血俱弱先用補中益氣湯培其脾土而血氣歸經又用四物參朮柴胡養肝筋而四肢便利

餘見異症名要

久頭痛病畧感風寒便發寒月須重綿厚帕包裹者此屬鬱熱本熱而標寒世人不識率用辛溫解散之藥暫時得效誤認為寒殊不知因其本有鬱熱毛竅常踈故風寒易入外寒束其內熱閉逆而為痛辛熱之藥雖能開通閉逆散其標之寒邪然以熱濟熱病本益深惡寒

愈甚矣惟當瀉火涼血為主而佐以辛溫散表之劑以從法治之則病可愈而根可除也

愚按前症多主於痰痛甚者乃風毒上攻有血虛者有諸經氣滯者有氣虛者有四氣外傷有勞役所傷有可吐者有可下者當分虛實寒熱兼變而治之若夫偏正頭風久而不愈必內挾痰涎風火鬱遏經絡氣血壅滯甚則目昏緊小二便秘澁宜砭出其血以開鬱解表余嘗治尚寶劉毅齋但怒則兩太陽作痛

先用小柴胡加茯苓山梔後用六味丸以生腎水而不再發○譚侍御每頭痛必吐清水不拘冬夏吃薑便止余作中氣虛寒用六君當歸黃芪木香炮薑而瘥○商儀部勞則頭痛余作陽虛不能上升以補中益氣加蔓荊子而瘥

眼赤腫痛古方用藥內外不同在內湯散用苦寒辛涼之藥以瀉其火在外點洗則用辛熱辛涼之藥以散其邪故點藥莫要於冰片而冰片大辛熱以其性辛甚故

借以拔出火邪而散其熱氣古方用燒酒洗眼或用乾薑末生薑汁點眼者皆此意也蓋赤眼是火邪內炎上攻於目故內治用苦寒之藥是治其本如鍋底之去薪也然火邪既容於目從內出外若外用寒涼以阻逆之則鬱火內攻不能散矣故點眼用辛熱而洗眼用熱湯是火鬱則發因而散之從治法也世人不知冰片為劫藥而誤認為寒常用點眼遂致積熱入目而昏暗瘴翳故云眼不點不瞎者此也又不知外治忌寒涼而妄將

冷水冷物冷藥挹洗致昏瞎者有之

愚按前症若體倦少食視物昏花或飲食勞倦益甚者脾胃虛也用補中益氣湯眊多緊澁赤脉貫睛或臟腑秘結者用芍藥清肝丸若赤翳布白畏日羞明或痛如刺者上焦風熱也用黃連飲子若久視生花畏日遠視如霧者神氣傷也用神效黃芪湯大凡午前甚而作痛者東垣助陽活血湯午後甚而作痛者黃連天花粉丸午後甚而不痛者東垣益陰腎氣

丸能近視不能遠視地芝丸能遠視不能近視定志丸故東垣先生云五臟六腑之精氣皆稟受於脾土貫於目脾者諸陰之首也目者血脉之宗也故脾虛則五臟之精氣皆失所司不能歸明於目矣心者君火也主人之神宜靜而安相火代行其令相火者包絡也主百脉皆榮於目既勞役運動勢乃妄行又因邪氣所并而損血脉故諸病生焉凡醫者不理脾胃及養血安神治標不治本是不明正理也若槩用辛

涼苦寒之劑損傷真氣促成內障之疾矣○給事張
禹功目赤不明服祛風散熱益甚畏明重聽脉大而
虛此因勞心過度飲食失節以補中益氣湯加茯神
酸棗山藥山茱五味頓愈又勞役復甚用十全大補
湯兼以前藥漸愈却用補中益氣湯加前藥而痊

耳鳴證或鳴甚如蟬或左或右或時閉塞世人多作腎
虛治不效殊不知此是痰火上升鬱於耳中而為鳴鬱
甚則壅閉矣若遇此症但審其平昔飲酒厚味上焦青

赤痰火只作清痰降火治之大抵此症多先有痰火在上又感惱怒而得怒則氣上少陽之火客於耳也若腎虛而鳴者其鳴不甚其人多慾當在勞怯等症

愚按前症若血虛有火用四物加山梔柴胡若中氣虛弱用補中益氣湯若血氣俱虛用八珍湯加柴胡若怒便聾而或鳴者屬肝膽經氣實用小柴胡加芎歸山梔虛用八珍湯加山梔若午前甚者陽氣實熱也小柴胡加黃連山梔陽氣虛用補中益氣湯加柴

胡山梔午後甚者陰血虛也四物加白朮茯苓若腎
虛火動或痰盛作渴者必用地黃丸經云頭痛耳鳴
九竅不利腸胃之所生也脾胃一虛耳目九竅皆為
之病○少宰李蒲汀耳如蟬鳴服四物湯耳鳴益甚
余以為足三陰虛五更服六味地黃丸食前服補中
益氣湯頓愈○少司馬黎仰之因怒耳鳴吐痰作嘔
不食寒熱脇痛用小柴胡合四物加山梔茯苓陳皮
而瘥

鼻塞不聞香臭或但遇寒月多塞或畧感風寒便塞不
時舉發者世俗皆以為肺寒而用解表通利辛溫之藥
不效殊不知此是肺經素有火邪火鬱甚則喜得熱而
惡見寒故遇寒便塞遇感便發也治法清肺降火為主
而佐以通氣之劑若如常鼻塞不聞香臭者再審其平
素只作肺熱治之清金瀉火清痰或丸藥噙化或末藥
輕調緩服久服無不效矣此予所親見而治驗者其平
素原無鼻塞舊症一時偶感風寒而致窒塞聲重或流

清涕者自作風寒治

愚按前症若因飢飽勞役所傷脾胃發生之氣不能上升邪害空竅故不利而不聞香臭者宜養脾胃使陽氣上行則鼻通矣按東垣云膽移熱於腦則辛頻鼻淵治之以防風湯大抵胃氣不和之所致者多矣

○一男子房勞兼怒風府脹悶兩脇脹痛余作色慾損腎怒氣傷肝用六味地黃丸料加柴胡當歸一劑而安

○一男子面白鼻流清涕不聞香臭三年矣余

以為肺氣虛用補中益氣加麥門山梔而愈

牙床腫痛齒痛搖動或黑爛脫落世人皆作腎虛治殊不知此屬陽明經濕熱蓋齒雖屬腎而生於牙床上下床屬陽明大腸與胃猶木生於土也腸胃傷於美酒厚味膏粱甘滑之物以致濕熱上攻則牙床不清而為腫為痛或出血或生蟲由是齒不得安而動搖黑爛脫落也治宜瀉陽明之濕熱則牙床清寧而齒自安固矣

愚按齒痛若因手足陽明經濕熱用東垣清胃散若

因風寒入腦腦痛齒亦痛用羌活附子細辛湯若因
思慮傷脾用歸脾湯若因鬱火所致用越鞠丸若因
酒麵炙煇而發用清胃散若因飲食傷脾用六君子
湯若因勞傷元氣用補中益氣湯若因脾胃素弱用
六君當歸升麻若因腎經陰虛用六味丸若因腎經
陽虛用八味丸若陰陽俱虛用十補丸若脾腎虛寒
用安腎丸徐用誠先生云凡齒病惡寒熱等症屬手
足陽明經齒搖斷脫屬足少陰經齒蝕腫痛出血皆

胃火所致也亦有諸經錯雜之邪與外因為患者

廷尉張中梁齒動搖用安腎丸考功楊仲玉齒動用
補中益氣湯侍御王濟川齒搖齧露用承氣湯文選
鄭伯興齒腦痛用羌活附子湯顏僉憲齒痛用涼膈
散郭職方過飲用清胃散党吏部風熱用犀角升麻
湯朱工部血氣虛用十全大補湯沈大尹頭腦齒痛
頭重手足厥冷此風寒入腦用麻黃附子細辛湯並
愈

小便不禁或頻數古方多以為寒而用溫澁之藥殊不知屬熱者蓋膀胱火邪妄動水不得寧故不能禁而頻數來也故年老人多頻數者是膀胱血少陽火偏旺也治法當補膀胱陰血瀉火邪為主而佐以收澁之劑如牡礪山茱萸五味子之類不可用溫藥也病本屬熱故宜瀉火因水不足故火動而致小便多小便既多水益虛矣故宜補血瀉火治其本也收之澁之治其標也

愚按經云膀胱不約為遺溺小便不禁常常出而不

覺也人之漩溺賴心腎二氣之所傳送蓋心與小腸為表裏腎與膀胱為表裡若心腎氣虧傳送失度故有此症治宜溫暖下元清心寡欲又有產辱不順致傷膀胱若內虛寒者秘元丹韭子丸之類若內虛濕熱者六味地黃丸或加五味杜仲補骨脂年老者八味丸產辱收生不謹損破尿胞者參朮補胞湯加豬羊胞煎之竊謂肝主小便若肝經血虛用四物山梔若小便澁滯或莖中作痛屬肝經濕熱用龍膽瀉肝

湯若小便頻數或勞而益甚屬脾氣虛弱用補中益氣湯加山藥五味子若小便無度或淋瀝不禁乃陰挺痿痺也用六味地黃丸若小便澁滯或補而益甚乃膀胱熱結也用五淋散其脾肺燥不能化生者黃芩清肺飲膀胱陰虛陽無所生者滋腎丸膀胱陽虛陰無所化者六味丸若陰痿思色精不出莖道瀦痛如淋用加減八味丸料加車前牛膝若老人精竭復耗大小便牽痛如淋亦用前藥不應急加附子多有

生者○劉大叅年踰六旬形氣瘦弱小便不禁或頻數內熱口乾或咳痰喘暈余以為肺腎氣虛用六味丸益氣湯以滋化源彼不信反服補陰降火澁精之劑陰竅作痛或小便不利仍服前藥不兩月而愈○大尹劉天錫內有濕熱大便滑利小便澁滯服淡滲之劑愈加滴瀝小便腿膝皆腫兩眼脹痛此腎經虛熱在下反服淡滲導損陽氣陰無以化遂用地黃滋腎二丸小便如故更以補中益氣湯加麥門五味兼

服而愈○州守王用之肚腹膨脹飲食少思服二陳枳實及淡滲之類小便不利大便不實咳嗽腹脹手足俱冷余謂足三陰虛寒用金匱腎氣丸而康

男子陰痿不起古方多云命門火衰精氣虛冷固有之矣然亦有鬱火甚而致痿者經云壯火食氣譬如人在暑熱而倦怠痿弱遇冬寒而堅強也予嘗親見一二人腎經鬱火而有此症令服黃柏知母清火堅腎之藥而效故須審察不可偏認作火衰也

愚按陰莖屬肝之經絡蓋肝者木也如木得湛露則
森立遇酷熱則萎悴若因肝經濕熱而患者用龍膽
瀉肝湯以清肝火導濕熱若因肝經燥熱而患者用
六味丸以滋腎水養肝血而自安○學士徐崦西口
乾有痰欲服瓊玉膏余曰此沈陰降火之劑君面白
口乾而有痰屬脾肺氣虛也當用溫補之劑不信仍
服兩月餘大便不實飲食少思且兼陰痿始信余言
先用補中益氣加茯苓半夏二味以溫補脾胃飲食

漸加大便漸實乃去二味服月餘而痊更服六味丸三月餘陰道如常矧瓊玉膏固本丸坎離丸此輩俱是沈寒瀉火之劑非腸胃有燥熱者不宜服若足三陰經陰虛發熱者久而服之令人無子蓋謂損其陽氣則陰血無所生故也屢驗

夢遺精滑世人多作腎虛治而用補腎滋精之藥不效殊不知此症多屬脾胃飲酒厚味痰火濕熱之人多有之蓋腎藏精精之所生由脾胃飲食化生而輸歸於腎

今脾胃傷於濃厚濕熱內鬱中氣濁而不清則其所化
生之精亦得濁氣腎主閉藏陰靜則寧今所輸之精既
有濁氣則邪火動於腎中而水不得寧靜故遺而滑也
此症與白濁同丹溪論白濁為胃中濁氣下流滲入膀
胱而云無人知此也其有色心太重妄想過用而致遺
滑者自從心腎治但兼脾胃者多須審察

愚按遺精有四有用心過度心不攝腎而致者有因
色慾不遂精氣失位輸精而出者有色慾太過滑泄

不禁者有年壯氣盛久無色慾精氣滿溢者有小便
出多不禁者或不出小便而自出或莖中出而痒痛
常如欲小便者宜辰砂妙香散或威喜丸大抵調補
元氣為主聖人教人收心養性厥有旨哉○少宰汪
涵齋白濁用補中益氣湯加茯苓半夏倍白朮愈而
復作飢體消瘦不時眩暈用八味丸而痊○司廳陳
石鏡屬脾虛用補中益氣六味地黄而愈○光祿柴
黻菴因勞赤白濁如注用歸脾湯而愈○司廳張檢

齋小腹不時作痛莖出白淫用小柴胡加山梔龍膽
草山茱萸歸而愈

婦人女子經脉不行有脾胃損傷而致者不可便認作
經閉血死輕用通經破血之藥遇有此症便須審其脾
胃如何若因飲食勞倦損傷脾胃少食惡食泄瀉疼痛
或因誤服汗下攻伐藥傷其中氣以致血少而不行者
只宜補養脾胃用白朮為君茯苓芍藥為臣佐以黃芪
甘草陳皮麥芽川芎當歸柴胡等藥脾旺則能生血而

經自行矣又有飲食積滯致損脾胃者亦宜消積補脾
若脾胃無病果有血塊凝結方宜行血通經

愚按經曰飲食入胃遊溢精氣上輸於脾脾氣散精
上歸於肺通調水道下輸膀胱水精四布五經並行
又曰二陽之病發心脾有不得隱曲女子不月二陽
謂陽明胃與大腸也故心脾平和則百骸五臟皆潤
澤而經候如常苟或心脾受傷則血無所養亦無所
統而月經不調矣是故調經者當理心脾為主丹溪

先生亦曰先期而至者血熱也後期而至者血虛也
竊謂先期而至者有因脾經血燥有因脾經鬱火有
因肝經怒火有因血分有熱有因勞役火動過期而
至者有因脾經血虛有因肝經血虛有因氣虛血弱
主治之法脾經血燥者加味逍遙散脾經鬱火者歸
脾湯肝經怒火者加味小柴胡湯血分有熱者加味
四物湯勞役火動者補中益氣湯脾經血虛者人參
養榮湯肝經血虛者六味地黃丸氣虛血弱者八珍

湯蓋血生於脾土故云脾統血凡血病當用苦甘之劑以助陽氣而生陰血大凡肝脾血燥四物為主肝脾血弱補中益氣為主肝脾鬱火歸脾湯為主肝經怒火加味逍遙散為主病因多端不能悉舉治當臨症制宜可也○一婦人晡熱肢體瘦倦食少無味月經不行或血衄或血崩半載矣或用順氣清熱止血等劑不應更加寒熱且時欲作嘔余以為鬱怒虧損脾胃虛火錯經妄行而然耳遂朝用補中益氣湯夕

用六味地黄丸各數劑半載而痊○一婦人素沉靜
晡熱內熱月經不調後每一二月或齒縫或舌下或
咽間出血碗許如此年餘服清熱涼血調理之藥益
甚問治於余余謂肝脾氣鬱血熱上行先用加味歸
脾湯後用加味道遙散攝血歸源而經自調前症頓
愈○一室女年十七腿外腫忽腫起一紅點作痒搔
破日出鮮血如注及飛小蟲甚多審其由每先寒熱
兩耳下或結核蓋外腫耳下俱屬膽經膽為肝之腑

肝主風熱生蟲血得風而妄行肝火旺而血出其肝
膽陰陽俱虛矣凡病虛則補其母腎乃肝之母用六
味丸滋腎水以生肝木四物柴胡山梔釣藤生肝血
以抑風熱而瘥

婦人半產多在三箇月及五月七月除跌撲損傷不拘
外若前次三箇月而墮則下次必如期復然蓋先於此
時受傷故受至期必應乘其虛也遇有半產者產後須
多服養氣血固胎元之藥以補其虛損下次有胎先於

兩箇半月後即用固胎藥十數服以防三月之墮至四
箇半月後再服八九服防過五月又至六箇半月後再
服以防七月及至九箇月內服丹溪達生散十數服可
保無虞其有連墮數次胎元損甚者服藥須多久則可
以留方用四物湯加白朮人參陳皮茯苓甘草阿膠艾
葉條苓多氣加香附縮砂有痰加薑製半夏調理妊娠
在於清熱養血條實黃苓為安胎聖藥清熱故也暑月
宜加用之養胎全在脾胃譬如鐘懸於梁梁軟則鐘下

墜折則墮矣故白朮補脾為安胎君藥若因氣惱致胎不安者宜用川芎陳皮茯苓甘草多加縮砂少佐木香以行氣

愚按半產重於大產大產如瓜熟自落栗熟自脫半產如生採其皮殼斷其根蒂豈不重於大產但人輕忽致死者多矣治法宜補形氣生新血去瘀血若未足月痛而產芎歸補中湯倍加知母止之若產而血不止人參黃芪湯補之若產而心腹痛當歸川芎湯

主之胎氣弱而小產者八珍湯固之若下血過多而發熱聖愈湯汗不止急用獨參湯發熱煩躁肉瞤筋惕八珍湯大渴面赤脉洪而虛當歸補血湯身熱面赤脉沉而微四君子薑附○一婦人胎已六月每怒氣便見血甚至寒熱頭疼脇脹腹痛少食作嘔余謂寒熱頭疼肝火上衝也脇脹腹痛肝氣不行也少食作嘔肝侮脾胃也小便見血肝火下流也用小柴胡加芍藥炒黑山梔茯苓白朮而愈○一婦胎及六月

形體倦怠飲食少思勞役便血胎動不安用六君生
熟地升麻柴胡而愈○一婦人每胎三四月作痛欲
墮余以為痛胎用當歸二錢熟地黃三錢而愈

東垣丹溪治病多自製方蓋二公深明本草藥性洞究
內經處方要法故能自製自求以來局方盛行人皆遵
用不敢輕率自為局方論症治病雖多差謬丹溪曾辨
論之然方皆名醫所製其君臣佐使輕重緩急大小
寡之法則不差也近見東垣丹溪之書大行世醫見其

不用古方也率皆效顰治病輒自製方然藥性不明處方之法莫究鹵莽亂雜反致生無甚有變症多端遂難識治耳且夫藥之氣味不同如五味子之味厚故東垣方少者五六粒多者十數粒今世醫或用二三錢石膏味淡薄故白虎湯用半兩今世醫不敢多用補上治上劑宜輕小今不論上下率用大劑丸散湯液各有攸宜今不論緩急率用湯煎如此類者多矣今之醫者若不熟讀本草深究內經而輕自製方鮮不誤人也

愚按方倣也倣彼而準此也至於應用更貴權宜非
曰確然不可移而屹然不可動者也是以素問無方
難經亦無方漢時纔有方蓋倣病因以立方也

或問今人有言東垣之法宜用於北丹溪之法可行於
南如何曰東垣北醫也羅謙甫傳其法以聞於江浙丹
溪南醫也劉宗厚世其學以鳴於陝西果如人言則本
草內經皆神農黃帝岐伯之說亦止宜於北方耶夫五
方所生異病及治之異宜內經異法方宜論五常正大

論已詳言之矣又如北方多寒南方多熱江湖多濕嶺南多瘴謂其得此氣多故亦多生此病非謂北病無熱南病無寒也至於治寒以熱治熱以寒則五方皆同豈有南北之異耶但人之臟腑火各居二天之六氣熱居三分又半故天下之病熱多而寒少觀內經至真大論病機一篇可見又濕熱相火致病甚多自太僕註文湮沒以致局方偏用濕熱之藥故丹溪出而闡內經之旨辨局方之偏論濕熱相火之病以補前人之未備耳後

人不識見其多用苓連梔柏等苦寒之藥遂以為宜於南淺矣哉

愚按前論內云火症固多但虛實不同治法亦異故王太僕先生曰大寒而甚熱之不熱是無火也大熱而甚寒之不寒是無水也晝見夜伏夜見晝止不時而動是無火也大抵病熱作渴飲冷便秘此症屬實為熱故也或惡寒發熱引衣踈卧或四肢逆冷大便清利此屬真寒或躁擾狂越欲入水中不欲近衣此

症屬虛外假熱而內真寒也故虛勞發熱之症治以
寒藥而不愈者為此故也由此觀之則熱症常少而
寒症常多矣故無火者當用八味丸益火之源以消
陰翳無水者用六味丸壯水之主以鎮陽光然其所
以致疾者皆由氣血方長而勞心虧損或精血未滿
而縱情恣欲根本不固火不歸經以致見症難名雖
宜常補中陰以制其火然而二尺各有陰陽水火互
相生化當於二臟中分各陰陽虛實求其所屬而平

之若左尺脉虛弱而細數者是左腎之真陰不足也
用六味丸右尺脉遲軟或沉細而數欲絕者是命門
之相火不足也用八味丸至於兩尺微弱是陰陽俱
虛用十補丸此皆滋其化源也設使槩服黃柏知母
沉陰瀉火之藥反戕脾胃多致不起

詳見玉機微義
治驗見內科方

暑病

第一卷內備用治暑方
併入於此以便觀覽

夏至日後病熱為暑暑者相火行令也夏月人感之自
口齒而入傷心包絡之經其脉虛或浮大而散或絃細

訖遲蓋熱傷氣則氣消而脉虛弱其為症汗煩則喘渴
靜則多言身熱而煩心痛大渴引飲頭疼自汗倦怠少
氣或下血發黃生癍甚者火熱致金不能平木搖搨不
省人事治暑之法清心利小便最好暑傷氣宜補真氣
為要又有惡寒或四肢逆冷甚者迷悶不省而為霍亂
吐利痰滯嘔逆腹痛瀉痢此則非暑傷人乃因暑而自
致之病也以其因暑而得故亦謂之暑病治法不同
若行人或農夫於日中勞役得之者是動而得之陽症

也其病必苦頭痛發燥熱惡熱捫之肌膚大熱必大渴引飲汗泄無氣以動乃天熱外傷元氣也宜清暑益氣用香薷黃連扁豆人參黃芪五味知母石膏之類

暑熱發渴脉虛宜用人參白虎湯人參

一分錢五分

知母二錢石

膏

五錢

甘草

二錢

竹葉

二錢

石膏

亦好

石膏

兩

半夏

二錢五分

甘草

五分

錢

二錢

人參

二錢

麥門冬

五錢

入竹葉

水煎

東垣清暑益氣湯治長夏濕熱蒸人人感之四肢困倦精神短少胸滿氣促肢節作痛或氣高而喘身熱而煩

心下痞悶小便黃數大便溏而頻或痢或渴不思飲食

自汗體重黃芪升麻蒼朮

錢各一

人參白朮神麩陳皮五

各

分甘草

炙

黃柏麥門冬當歸

各三分

葛根澤瀉青皮五味

各二分

若暑熱之時無病之人或避暑熱納涼於深堂大夏涼
臺冷館大扇風車得之者是靜而得之陰證也其病必
頭痛惡寒身形拘急肢節疼痛而煩心肌膚大熱無汗
此為陰寒所遏使周身陽氣不得伸宜用辛溫之劑以

解表散寒用厚朴紫蘇乾葛藿香羌活蒼朮之類若外
既受寒內復傷水生冷瓜果之類前藥再加乾薑縮
砂神麩之類此非治暑也治因暑而致之病也若外不
受寒止是內傷水水冷物腹痛泄瀉或霍亂吐逆宜縮
脾飲砂仁草果甘草扁豆乾薑烏梅或理中湯加神麩
麥芽縮砂蒼朮此專治內溫中消食也

若吐瀉脉沉微甚者不可用涼藥可用附子大順散熟
附子甘草乾薑杏仁桂枝附子理中湯加芍藥

夏月多食冷物及過飲茶水致傷脾胃吐瀉霍亂故治暑藥多用溫脾消食治濕利小便醫者要識此意

若既傷暑熱復傷生冷外熱內寒宜先治其內溫中消食次治其外清暑補氣而以理脾為主於前陰陽二條內相兼取用東垣清暑益氣湯已兼此意其用黃芪升麻人參白朮甘草麥門冬當歸五味黃柏葛根是清暑補氣也蒼朮神麩陳皮澤瀉青皮是治內補脾也

愚按前症又當分別中暑中暈脉虛脉沉無汗有汗

發熱不熱作渴不渴或瀉不瀉飲寒飲熱辨其陰陽
虛實不可泛投寒涼之劑蓋為夏月伏陰在內古人
用附子大順散之類溫補陽氣厥有旨哉何今之老
弱至夏月患食少體倦發熱作渴或吐瀉腹痛頭痛
諸症反服香茹飲復傷元氣無不招引暑症以致不
起至若清暑益氣湯內用澤瀉猪苓之類必審其果
有濕熱壅滯方可用之否則虧損其陰而傷其目矣
用當審察○儀部李北川仲夏患腹痛吐瀉兩手足

捫之則熱按之則冷其脉輕胗則浮大重胗則微細
余曰此陰寒之症也急服附子理中湯不應仍服至
四劑而愈

注夏病屬陰虛元氣不足宜補中益氣湯去柴胡升麻
加黃柏炒白芍藥挾痰者加半夏陳皮

愚按丹溪先生云天地以五行更迭衰旺而成四時
人之五臟六腑亦應之而衰旺四月屬巳五月屬午
為火太旺火為肺金之夫火旺則金衰六月屬未土

太旺土為水之夫土旺則水衰况腎水嘗藉肺金為母以補其不足古人於夏月必獨宿而淡味保養金水二臟經曰冬藏精者春不病温十月屬亥十一月屬子正火氣潛藏必養其本然之真而為來春發生之本若於此時不恣欲以自戕至春升之際根本壯實何病之可言哉○文選姚海山中暑頭痛發熱氣高而喘肢體倦怠兩手麻木余謂熱傷元氣用人參益氣湯頓安又用補中益氣湯加麥門五味而痊

若夏月傷暑發熱汗大泄無氣力脉虛細而遲此暑傷元氣也服後方

人參

黃芪

蜜炙

麥門冬心去

白芍藥

陳皮

各一錢

白茯苓

一錢

黃連

炒

甘草

各五分

黃柏

三分

白朮

一錢五分

香薷

知母

各七分

右薑水煎食前溫服

愚按前症有熱傷元氣而汗出者有勞傷元氣而汗出者有因元氣素虛腠理不密而汗出者治法暑傷

元氣者清暑益氣湯勞傷元氣者補中益氣湯元氣素虛而自汗者十全大補湯如兼盜汗佐以六味丸加五味子前云大汗無力脉虛細遲屬陽氣虛弱內黃柏知母恐復傷陽氣芍藥茯苓恐導損陰氣也治者審之

若夏秋暑熱因過用冷物茶水傷其內又過取涼風傷其外以致惡寒發熱胸膈飽悶飲食不進或兼嘔吐泄瀉此內外俱傷寒冷也

人參

乾薑

炒紫色

厚朴

炒姜水

陳皮

羌活

白朮

苓

枳實

各一錢

白朮

一錢五分

甘草

炙五分

右薑水煎食前溫服

愚按前症宜用此方如未應宜用藿香正氣散若內
外已解寒熱未退或飲食不進宜用六君子保命集
云霍亂屬陽明症宜用和中平胃建中湯輩或四君
子湯脉浮自汗四君子加桂枝主之脉浮無汗四君
子加麻黃吐利轉筋脇下痛脉弦者木剋土也用平

胃散加木瓜或建中加柴胡木瓜吐利轉筋腹痛體
重脉沉而細四君子加白芍藥良薑吐利四肢拘急
脉沉而遲屬少陰四君加薑附厚朴吐利四肢厥冷
脉微緩屬厥陰建中加歸附吐利頭痛發寒熱熱多
欲飲水者五苓散寒多不欲水者理中丸主之元戎
云太陰症霍亂者理中加橘紅吐下腹痛手足逆冷
理中加熟附子吐利後轉筋者理中加火煨石膏一
兩○上舍徐氏則夏月入房及食冰菓麵食而患腹

痛余曰此陰寒之症也急用附子理中湯以回陽不信別用二陳枳實黃連香茹飲之類而死○進士劉

華甫夏月食生冷菓品患前症余用附子理中湯一

鍾頓安

丸方內用木瓜者俱用砂器煎炒惡錢故也餘方倣此

若夏暑在途中常服以壯元氣清熱驅暑服之免中暑

霍亂泄瀉痢疾等症

人參

一錢二分

白朮

一錢五分

麥門冬

去心

五味子

十粒

白芍

藥炒

白茯苓

各一錢

知母

炒

陳皮

香薷

各七分

黃芩

炒三分 甘草 炙五分

右薑水煎食前溫服

愚按前症若人元氣虛弱宜用補中益氣去柴胡升麻加麥門五味或少加炒黑黃柏人參益氣湯亦可用

若遇勞倦辛苦用力過多即服後方二三服免生內傷發熱之病此方主於補氣

黃芪

一錢半
蜜炙

人參

麥門冬

陳皮

各一錢

白朮

一錢

甘草

炙七分

右薑棗水煎食前溫服勞倦甚加熟附子四五分

愚按前論開世俗之矇瞶濟無窮之夭枉內附子若素畏寒飲食者尤宜用若素喜寒飲食者以肉桂或炮薑代之亦可若或因暑熱傷氣而四肢困倦或手足麻木者先用人參益氣湯後用補中益氣湯

若人過勞心思慮損傷精神頭眩目昏心虛氣短即用後方補血為主

人參錢一五味子

十五粒杵

當歸

一錢酒洗

白芍

炒一錢

麥門冬

去心五分

山梔子

炒五分

茯神

去心一錢

酸棗仁

炒一錢

生地黃

酒洗五分

甘草

陳皮

川芎

各五分

右水煎服

愚按前症宜用此方不宜多服其麥門冬芍藥山梔生地苦寒恐復損脾氣若脾胃素虛熱而患前症但以補中益氣湯加麥門五味亦可若因飢渴勞役或因誤行攻伐以致氣高而喘身熱而煩或自汗此為

陽氣內傷宜用補中益氣湯若因飢飽勞役或因悞出汗以致飢熱大渴引飲目赤面紅脉洪大按之如無此為血脫煩躁宜用當歸補血湯

附滑伯仁先生診家樞要

脉者氣血之先也氣血盛則脉盛氣血衰則脉衰氣血熱則脉數氣血寒則脉遲氣血微則脉弱氣血平則脉治又長人脉長短人脉短性急人脉急性緩人脉緩左大順男右大順女男子尺脉常弱女子尺脉常盛此皆

其常也反之者逆

左右手配藏府部位

左手寸口心小腸脉所出○左關肝膽脉所出左尺腎

膀胱脉所出

命門與腎脉通

右寸肺大腸脉所出○右關脾胃脉所出○右尺心三焦包絡脉所出

五藏平脉

心脉浮大而散肺脉浮濇而短肝脉弦而長脾脉緩而

大腎脉沉而軟滑○心合血脉心脉循血脉而行持脉指法如六菽之重按至血脉而得者為浮稍稍加力脉道粗者為大又稍加力脉道闊軟者為散○肺合毛皮肺脉循皮毛而行持脉指法如三菽之重按至皮毛而得者為浮稍稍加力脉道不利為濇又稍加力不及本位曰短○肝合筋肝脉循筋而行持脉指法如十二菽之重按至筋而脉道如箏弦相似稍加力脉道迢迢者為長○脾合肌肉脾脉循肌肉而行持脉指法如九菽

之重按至肌肉如微風輕颺柳梢之狀為緩次稍加力
脉道敦實者為大○腎合骨腎脉循骨而行持脉指法
按至骨上而得者為沉次重以按之脉道無力者為軟
舉指來疾流利者為滑

凡此五藏平脉要須察之久久成熟一遇病脉自然
可曉經曰先識經脉而後識病脉此之謂也

四時平脉

春弦夏洪秋毛冬石長夏四季脉遲緩

呼吸浮沉定五藏脉

呼出心與肺吸入腎與肝呼吸之間脾受穀味其脉在
中心肺俱浮浮而大散者心浮而短澁者肺腎肝俱沉
牢而長者肝濡而來實者腎脾為中州其脉在中

因指下輕重以定五藏

即前所謂三菽五菽之重也

三部所主 九候附

寸為陽為上部主頭項以下至心胸之分也關為陰陽

之中為中部主臍腹肚脇之中也尺為陰為下部主腰足脛股之分九此三部之中每部又各有浮中沉三候三而三之為九候也浮主皮膚候表及腑中主肌肉以候胃氣沉至筋骨候裡及藏也

持脉

凡診脉之道先須調平自己氣息男左女右先以中指定得關位卻齊下前後二指初輕按以消息之次中按以消息之次重按以消息之然後自寸關至尺逐部尋

究一呼一吸之間要以脉行四至為率閏以太息脉五至為平脉也其有太過不及則為病脉看在何部各以其部斷之○凡診脉須要先識時脉胃脉與腑臟平脉然後及於病脉時脉謂春三月六部中俱帶弦夏三月俱帶洪秋三月俱帶浮冬三月俱帶沉胃脉謂中按得之脉和緩腑臟平脉已見前章凡入府藏脉既平胃脉和又應時脉乃無病者也反此為病○凡診脉之際人臂長則踈下指臂短則密下指三部之內大小浮沉遲

數同等尺寸陰陽高下相符男女左右強弱相應四時之脉不相戾命曰平脉其或一部之內獨大獨小偏遲偏疾左右強弱之相反四時男女之相背皆病脉也凡病之見在上曰上病在下曰下病左曰左病右曰右病左脉不和為病在表為陽主四肢右脉不和為病在裡為陰主腹臟以次推之○凡取脉之道理各不同脉之形狀又各非一凡脉之來必不單至必曰浮而弦浮而數沉而緊沉而細之類將何以別之大抵提綱之要不

出浮沉遲數滑澁之六脉也浮沉之脉輕手重手而取之也遲數之脉以已之呼吸而取之也滑澁之脉則察夫往來之形也浮為陽輕手而得之也而芤洪散大長濡弦皆輕手而得之之類也沉為陰重手而得之之類也而伏石短細牢實皆重手得之之類也遲者一息脉二至而緩結微弱皆遲之類也或曰滑類乎數澁類乎遲何也然脉雖似而理則殊也彼遲數之脉以呼吸察其至數之踈數此滑澁之脉則以往來密察其形狀也

數為熱遲為寒滑為血多氣少澁為氣多血少所謂提
綱不出乎六字者蓋以其足以統夫表裡陰陽冷熱虛
實風寒濕燥藏府氣血也浮為陽為表診為風為虛沉
為陰為裡診為濕為實遲為在藏為寒為冷數為在府
為熱為燥滑為血有餘澁為氣獨滯也人一身之變不
越乎此能於是六脉之中以求之則痼疾在人者莫能
逃焉○持脉之要有三曰舉曰按曰尋輕手循之曰舉
重手取之曰按不輕不重委曲求之曰尋初持脉輕手

候之脉見皮膚之間者陽也府也亦心肺之應也重手
得之脉附於肉下者陰也藏也亦肝腎之應也不輕不
重中而取之其脉應於血肉之間者陰陽相適冲和之
應脾胃之候也若浮中沉之不見則委曲而求之若隱
若見則陰陽伏匿之脉也三部皆然○察脉須識上下
來去至止六字不明此六字則陰陽虛實不別也上者
為陽來者為陽至者為陽下者為陰去者為陰止者為
陰也上者自尺部上於寸口陽生於陰也下者自寸口

下於尺部陰生於陽也來者自骨肉之分而出於皮膚之際氣之升也去者自皮膚之際而還於骨肉之分氣之降也應曰至息曰止也○明脉須辯表裡虛實四字表陽也府也凡六淫之邪襲於經絡而未入於胃府及藏者皆屬於表也裡陰也藏也凡七情之氣鬱於心腹之內不能越散飲食五味之傷流於府藏之間不能通泄皆屬於裡也虛者元氣之自虛精神耗散氣力衰竭也實者邪氣之實由正氣本虛邪得乘之非元氣之自

實也故虛者補其正氣實者瀉其邪氣經曰所謂邪氣盛則實精氣奪則虛此大法也○凡脉之至在筋肉之上出於皮膚之間者陽也府也行於肌肉之下者陰也藏也若短小而見於皮膚之間者陰乘陽也洪大而見於肌肉之下陽乘陰也寸尺皆然

脉貴有神

東垣云不病之脉不求其神而神無不在也有病之脉則當求其神之有無謂如六數七極熱也脉中

此中字浮中沉

之中有力

言有胃氣

即有神矣為泄其熱三遲二敗寒也脉中

有力

說並如上

即有神矣為去其寒若數極遲敗中不復有

力為無神也將何所恃耶苟不知此而遽泄之去之神將何以依而主耶故經曰脉者氣血之先氣血者人之神也善夫

脉陰陽類成

浮不沉也按之不足輕舉有餘滿指浮上曰浮為風虛動之候為脹為風為痞為滿不食為表熱為喘浮大傷

風鼻塞浮滑疾為宿食浮滑為飲左寸浮主傷風發熱
頭疼目眩及風痰浮而虛遲心氣不足心神不安浮散
心氣耗虛煩浮而洪數心經熱關浮腹脹浮而數風熱
入肝經浮而促怒氣傷肝心胸逆滿浮大胸脇脹滿尺
浮膀胱風熱小便赤澁浮大而乳男子小便血婦人崩
帶浮而遲冷疝臍下痛右寸浮肺感風寒咳喘清涕自
汗體倦浮而洪肺熱而咳浮而遲肺寒喘嗽關浮脾虛
中滿不食浮大而澀為宿食浮而遲脾胃虛尺浮風邪

客下焦大便秘浮而虛元氣不足浮而數下焦風熱大便秘
沉不浮也輕手不見重手乃得為陰逆陽鬱之候為實
為寒為氣為水為停飲為癥瘕為脇脹為厥逆為洞
泄沈細為少氣沉遲為痼冷沉滑為宿食沉伏為
霍亂沉而數內熱沉而遲內寒沉而弦心腹冷痛左寸
沉心內寒邪為痛胸中寒飲脇痛關沉伏寒在經兩脇
刺痛沉弦痙瘳內痛尺沉腎藏感寒腰背冷痛小便濁
而頻男為精冷女為血結沉而細脛痠陰痒溺有餘瀝

右寸沉肺冷寒痰停蓄虛喘少氣沉而緊滑咳嗽沉細而滑骨蒸寒熱皮毛焦乾關沉胃中寒積中滿吞酸沉緊懸飲尺沈病水腰脚疼沉細下利又為小便滑臍下冷痛

遲不及也以至數言之呼吸之間脉僅三至減於平脉一至也為陰盛陽虧之候為寒為不足浮而遲表有寒沉而遲裡有寒居寸為氣不足居尺為血不足氣寒則縮血寒則凝也左寸遲心上寒精神多恹關遲筋寒急

手足冷脇下痛尺遲腎虛便濁女人不月右寸遲肺感
寒冷痰氣短闕遲中焦寒及脾胃傷冷物不食沉遲為
積尺遲為藏寒泄瀉少腹冷痛腰脚重

數太過也一息六至過平脉兩至也為煩滿上為頭疼
上熱中為脾熱口臭胃煩嘔逆右為頰熱目赤左下為
小便黃赤大便秘澀浮數表有熱沉數裡有熱

虛不實也散大而軟舉按豁然不能自固氣血俱虛之
診也為暑為虛煩多汗為恍惚多驚為小兒驚風

實不虛也按舉不絕逼逼而長動而有力不疾不遲為
三焦氣滿之候為嘔為痛為氣塞為食積為氣聚為痢
為伏陽在內左寸實心中積熱口舌瘡咽痛實大頭面
熱風煩躁體疼面赤關實腹脇痛滿實而浮大肝盛目
暗赤痛尺實少腹痛小便澀實而滑淋瀝莖痛溺赤實
大膀胱熱溺難實而緊腰痛右寸實胸中熱痰嗽煩滿
實而浮肺熱咽燥痛喘咳氣壅關實伏陽蒸內脾虛食
少胃氣滯實而浮脾熱消中善飢口乾勞倦尺實臍下

金匱要略卷之二十三
卷二十二
痛便難或時下痢

洪大而實也舉按有餘來至大而去且長騰上滿指為榮絡大熱血氣燔灼之候為表裡皆熱為煩為咽乾為大小便不通左寸洪心經積熱眼赤口瘡頭痛內煩關洪肝熱及身痛四肢浮熱尺洪膀胱熱小便赤澀右寸洪肺熱毛焦唾粘咽乾洪而緊喘急關洪胃熱反胃嘔吐口乾洪而緊為脹尺洪腹滿大便難或下血微不顯也依稀輕細若有若無為血氣俱虛之候為虛

弱為泄為虛汗為崩漏敗血不止為少氣浮而微者陽
不足必身惡寒沉而微者陰不足主臟寒下利左寸微
心虛憂惕榮血不足關微四肢惡寒拘急尺微敗血不
止男為傷精尿血女為崩帶右寸微上焦寒痞冷痰不
化中寒少氣關微胃寒氣脹食不化脾虛噫氣心腹冷
痛尺微臟寒泄瀉臍下冷痛

弦按之不移舉之應手端直如絲絃為血氣收斂為陽
中伏陰或經絡間為寒所入為痛為瘡為拘急為寒熱

為血虛盜汗為寒凝氣結為冷痺為疝為飲為勞倦弦
數為勞瘡雙絃脇急痛弦長為積左寸弦頭疼心惕勞
傷盜汗乏力關弦脇肋痛瘥痺弦緊為疝瘕為瘀血弦
小寒痺尺弦少腹痛弦滑腰脚痛右寸弦肺受寒咳嗽
胸中有寒痰關弦脾胃傷冷宿食不化心腹冷痛又為
飲尺弦臍下急痛不安下焦停水

緩不速也往來迂緩呼吸徐徐以氣血向衰故脉體為
之徐緩爾為風為虛為痺為弱為痛在上為項強在下

為脚弱浮緩為風沉緩血氣虛左寸緩心氣不足怔忡
多忘亦主項背急痛關緩風虛眩暈腹脇氣結尺緩腎
虛冷小便數女人月事多右寸緩肺氣浮言語氣短關
緩胃弱氣虛浮緩脾氣虛弱不沉不浮從容和緩乃脾
家本脉也尺緩下寒脚弱風氣秘滯浮緩腸風泄瀉沉
緩小腹感冷

滑不澁也往來流利如珠走盤不進不退為血實氣壅
之候蓋血不勝於氣也為嘔吐為痰逆為宿食為經閉

滑而不斷經不閉其斷者經閉上為吐逆下為氣結滑數為結熱左寸滑心熱滑而實人心驚舌強關滑汗熱頭目為患尺滑小便淋瀝尿赤莖中痛右寸滑痰飲嘔逆滑而實肺熱毛髮焦膈壅咽乾痰嗽頭目昏涕唾粘關滑脾熱口臭及宿食不化吐逆滑實胃熱尺滑因相火炎而引飲多臍冷腹鳴或時下利婦人主血實氣壅月事不通若和滑為孕

澁不滑也虛細而遲往來極難參伍不調如雨沾沙如

輕刀刮竹然為氣多血少之候為少血為亡汗為血痺
痛為傷精女人有孕為胎痛無孕為敗血病左寸澁心
神虛耗不安及冷氣心痛關澁肝虛血散肋脹脇滿身痛
尺澁男子傷精及疝女人月事虛敗若有孕主胎漏右
寸澁榮衛不和上焦冷痞氣短臂痛關澁脾弱不食胃
冷而嘔尺澁大便瀉津液不足小腹寒足脛逆冷經云滑者
傷熱澁者中
霧露金革

長不短也指下有餘而過於本位氣血皆有餘也為陽

毒內蘊三焦煩鬱為壯熱

短不長也兩頭無中間有不及本位氣不足以前導其血也為陰中伏陽為三焦氣壅為宿食不消

大不小也浮取之若洪而浮沉取之大而無力為血虛氣不能相入也經曰大則病進

小不大也浮沉取之悉皆損小在陽為陽不足在陰為陰不足前大後小則頭疼目眩前小後大則胸滿短氣緊有力而不緩也其來勁急按之長舉之若牽繩轉索

之狀為邪風激搏伏於榮衛之間為痛為寒浮緊為傷
寒身疼沉緊為腹中有寒為風痼左寸緊頭熱目痛項
強緊而沉心中氣逆冷痛闕緊心腹滿痛脇痛肋急緊
而盛傷寒渾身痛緊而實痲痺尺緊腰脚臍下痛小便
難右寸緊鼻塞膈壅緊而沉滑肺實咳嗽闕緊腹痛吐
逆緊盛腹脹傷食尺緊下焦菴痛

弱不盛也極沉細而軟怏怏不前按之欲絕未絕舉之
即無由精氣不足故脉息痿弱而不振也為元氣虧耗

為痿弱不前為痼冷為關熱為泄精為虛汗老得之順
壯得之逆左寸弱陽虛心悸自汗關弱筋痿無力婦人
主產後客風面腫尺弱小便數腎虛耳聾骨肉酸痛右
寸弱身冷多寒胸中短氣關弱脾胃虛食不化尺弱下
焦冷痛大便滑

動其狀如大豈厥厥動搖尋之有舉之無不往不來不
離其處多於關部見之動為痛為驚為虛勞體痛為崩
脫為泄痢陽動則汗出陰動則發熱

伏不見也輕手取之絕不可見重取之附着於骨為陰陽潛伏關膈閉塞之候為精聚為癥疝為食不消為霍亂為水氣為榮衛氣閉而厥逆關前得之為陽伏關後得之為陰伏左寸伏心氣不足神不守常沉憂抑鬱關伏血冷腰脚痛及脇下有寒氣尺伏腎寒精虛疝瘕寒痛右寸伏胸中氣滯寒痰冷積關伏中脘積塊作痛及脾有停滯尺伏臍下冷痛下焦虛寒腹中痼冷促陽脉之極也脉來數時一止復來者曰促陽獨盛而陰不能

相和也或怒逆上亦令脉促促為氣涌為狂悶為瘀血發狂又為氣為血為飲為食為痰蓋先以氣熱脉數五者或一有留滯乎其間則陰之而為促非惡脉也雖然加即死退即生亦可畏哉

結陰脉之極也脉來緩時一止復來者曰結陰獨盛而陽不能相入也為癥結為積聚為七情所鬱浮結為寒邪滯經沉結為積氣在內又為氣為血為飲為痰蓋先以氣寒脉緩而五者或一有留滯於其間則因而為結

故張長沙謂結促皆病脉

芤浮大而軟尋之中空傍實傍有中無診在浮舉重按之間為失血之候大抵氣有餘血不足血不能統氣故虛而大若芤之狀也左寸芤主心血妄行為吐為衄關芤主脇間血氣痛或腹中瘀血亦為吐血目暗尺芤小便血女人月事為病右寸芤胸中積血為衄為嘔關芤腸癰瘀血及嘔血不食尺芤大便血又云前大後細脫血也非芤而何

革沉伏實大如按鼓皮曰革氣血虛寒革易常度也婦人則半產漏下男子則亡血失精又為中風寒濕之診濡無力也虛軟無力應手散細如綿絮之浮水中輕手乍來重手却去為氣血俱不足之候為少氣為無血為疲損為自汗為下冷為痺左寸濡心虛易驚盜汗短氣關濡榮衛不和精神離散體虛少力尺濡男為傷精女為脫血小便數自汗多右寸濡關熱增寒氣乏體虛關濡脾軟不化物胃虛不進食尺濡下元冷憊腸虛泄瀉


牢堅牢也沉而有力動而不移為裏實表虛關中氣促為勞傷痿極大抵其脉近乎無胃氣者故諸家皆為危殆之脉云亦主骨間疼痛氣居於表

疾盛也快於數為疾呼吸之間脉七至熱極之脉也在陽猶可在陰為逆

細微眇也指下尋之往來微細如線蓋血冷氣虛不足以充故也為元氣不足乏力無精內外俱冷痿弱洞洩為憂勞過度為傷濕為積為痛在內及在下

代更代也動而中止不能自還因而復動由是復止尋之良久乃復強起為代主形容羸瘦口不能言若不因病而人羸瘦其脉代止是一藏無氣它藏代之真危亡之兆也若因病而氣血驟損以至人氣不續或風家痛家脉見止代只為病脉故傷寒家亦有心悸而脉代者腹心痛亦有結澁止代不勻者勿以為凶蓋九痛之脉不可准也又妊娠或有脉代者此必三月餘之胎也亦無慮焉

散不聚也有陽無陰按之滿指散而不聚來去不明謾
無根抵為氣血耗散府藏氣絕在病脉主虛陽不斂又
主心氣不足大抵非佳脉也



薛氏醫案卷二十二